


DS
735
A2Y86
1771a
V. 39



御批歷代通鑑輯覽卷之七十七

宋

神宗皇帝

戊庚熙寧三年春正月罷判尚書省張方平。

初帝欲用王安石。方平以爲不可及。是方平服闋還朝。以觀文殿學士判尚書省。安石言留之不便。遂出知陳州。及陞辭。極論新法之害。帝爲之憮然。未幾召爲宣徽北院使。留京師。安石深沮之。方平亦力求去。乃復出判應天府。

二月河北安撫使韓琦請罷青苗法。王安石稱疾不朝。詔諭起之。

琦上疏曰。臣準散青苗詔書。務在惠小民。不使兼并乘急以邀倍息。而公家無所利其入。今所列條約。乃令鄉戶及坊郭戶。借錢一千。納一千三百。是官自放錢取息。與初詔相違。又條約雖禁抑勒。然不抑勒。則上戶必不願請。下戶雖或願請。請時甚易。納時甚難。將來必有督索同保均賠之患。陛下躬行節儉以化天下。自然國用不乏。何必使興利之臣。紛紛四出。以致遠邇之疑哉。乞罷提舉官。委提點刑獄。依常平舊法施行。帝袖其疏以示執政曰。琦真忠臣。雖在外。不忘王室。朕始謂可以利民。今乃害民如此。且坊郭安得青苗。而使者亦彊與之。王安石勃然進曰。苟從其所欲。雖坊郭何害。因難琦奏。

安石抗章神宗異謝成何政體卽安石果正人猶尚不可而况不正乎嘗謂神宗之信安石有若病狂此亦宋室治亂安危之所關有非人力之所能爲者至趙抃素稱剛鯁寧不知新法病民何未聞出一言以救正及神宗因韓琦奏論罷耆舊機有可乘抃仍請俟安石之出是誠何心迨後悔恨求去所謂礙其位矣何嗟及矣

曰如桑弘羊籠天下貨財以奉人主私用乃可謂興利之臣。今陛下修周公遺法抑兼并振貧弱非所以佐私欲。安可謂興利之臣乎。帝終以琦說爲疑。安石遂稱疾不出。帝諭執政罷耆舊法趙抃請俟安石出。安石求去。帝命司馬光草答詔。有士夫沸騰黎民騷動之語。安石抗章自辯。帝爲異辭謝之。且命呂惠卿諭旨。韓絳又勸帝留安石。安石入謝。因言中外大臣從官臺諫朋比欲敗先王正道以沮陛下。此所以紛紛也。帝以爲然。安石乃起視事。持新法益堅。以琦奏付條例司。命曾布疏駁。刊石頒之天下。琦申辯愈切。且論安石妄引周禮以惑上聽。皆不報。時文彥博亦以耆舊之害爲言。帝曰。吾遣二中使親問民間。皆云甚便。彥博曰。韓琦

三朝宰相不信。而信二宦者乎。先是。安石陰結入內副都知張若水。押班藍元振爲助。帝遣使潛察府界依錢事。適命二人。二人使還。極言民情深願。無抑配者。故帝信之不疑。

以司馬光爲樞密副使。固辭不拜。

光素與王安石厚。及行新法。貽書開陳再三。又與呂惠卿辯論于經筵。安石不樂。帝欲大用光。訪之安石。安石曰。光所言盡害政之事。所與盡害政之人。而欲寘之左右。使預國論。則異論之人。倚以爲重。韓信立漢赤幟。趙卒氣奪。今用光。是與異論者立赤幟也。及安石稱疾不出。帝乃以光爲樞密副使。光辭曰。陛下所以用臣。蓋察其狂直。庶有補于國家。若徒以祿位榮之。而不取其言。是以天官私非其人也。臣徒以祿位自榮。而不能救生

民之患是盜竊名器以私其身也。陛下誠能罷制置條例司。追還提舉官。不行青苗助役法。雖不用臣。臣受賜多矣。青苗之散。使者恐其逋負。必令貧富相保。貧者無可償。則散而之四方。富者不能去。必責使代償。十年之外。貧者既盡。富者亦貧。常平又廢。加之以師旅。因之以饑饉。民之羸者。必委死溝壑。壯者必聚而爲盜賊。此事之必至者也。疏凡九上。會安石復起視事。乃下詔。允光辭。收還敕誥。知通進銀臺司范鎮。封還詔旨者再。帝以詔直付光。不由門下。鎮奏曰。由臣不才。使陛下廢法。乞解其職。許之。

解韓琦河北安撫使。

琦以論青苗不見聽。上疏請解河北安撫使。止領大名府路。王安石欲沮琦。即從之。

三月。始以策試進士。

初。同知貢舉呂公著在貢院中密奏。言天子臨軒策士。而用詩賦。非舉賢求治之意。乞出自宸衷。以咨訪治道。

至是。上御集英殿試進士。遂專用策。賜葉祖洽字敦初邵武人

以下三百人及第出身。祖洽策言。祖宗多因循苟簡之

政。陛下即位。革而新之。考官宋敏求字次道。蘇軾欲黜

之。呂惠卿擢為第一。軾言祖洽詆祖宗以媚時君。而魁

多士。何以正風化。乃擬答進士策獻之。帝以示王安石。安石言。軾才亦高。但所學不正。又以不得逞之故。其言遂跌蕩至此。數請絀之。

置刑法科。

祖治明知新法出於執政對策。巧為阿諛。以希進取。其心術已不可問。其敢斥祖宗之政。為因循苟簡。悖妄極矣。律以太義實憲典。所不容司衡者。豈爾擢用上第。充其伎倆。亦孰不可。忍乃神宗毫不介意。其荷以示臣子之鵠哉。

帝因王安石議謀殺刑名疑學者多不通律意遂立刑法科許有官無贓罪者試律令刑統大義斷按取其通曉者補刑法官未幾選人任子亦試律令始出官又詔進士自第三人以下試刑法或言高科不試人不以為榮乃詔悉試

貶知審官院孫覺

字莘老高郵人知廣德軍宋置今為州隸江南

時青苗法行首議者謂周官泉府民之貸者至輸息二十而五國事之財用取具焉覺條奏其妄曰成周賒貸特以備民之緩急不可徒與也故以國服為之息然國服之息說者不明鄭康成釋經乃引王莽計贏受息無過歲什一為據不應周公取息重于莽時考周禮泉府民之貸者以

國服爲之息。鄭注。貸。從官借本也。以國服爲之息。以其于國服事之稅爲息也。于國事受園廛之田。而貸萬泉者。莽出息五百。王莽時。民貸以治產業者。但計贏所得受息。無過歲什一。孔穎達疏。萬泉。莽出息五百。二十而取一也。王莽時與周少異。周惟據本徵利。莽則計本而據所贏多少以取息。假令萬泉而贏萬。則徵一千。贏五千。則徵五百。無過什一。據此。周與莽時取息輕重甚明。覺奏尚未剖悉詳盡。泉。古與錢通。沉國用

專取具于泉府。則冢宰九賦將安用耶。聖世宜講求先

王之法。不當取疑文虛說以圖治。安石覽之。怒。會曾公

亮言。畿縣散青苗錢。有追呼抑配之擾。安石遣覺行視

虛實。覺言。民實不願與官相交。望賜寢罷。遂坐奉詔反

覆。貶知廣德軍。初。覺爲右正言。帝語覺。欲用陳升之而

罷判越州。安石早與覺善。特援以爲助。自知通州召還。累遷知審官院。至是以覺不附已。遂逐之。

夏四月。貶御史中丞呂公著知潁州。

韓琦趙鞅時地不同何至有發甲以清君側之事公著雖至愚亦必不爲此言安石誣奏不問而知其妄言安石既不悅琦復怒公著欲假此兩傷之神宗不察公著遂爾坐貶無怪小人之志益逞也

青苗法行。公著上疏曰。自古有爲之君。未有失人心而能圖治。亦未有脅之以威。勝之以辯。而能得人心者也。昔日之所謂賢者。今皆以此舉爲非。而主議者。一切詆爲流俗浮論。豈昔皆賢而。今皆不肖乎。會帝使公著舉呂惠卿爲御史。公著曰。惠卿固有才。然姦邪不可用。王安石以是積怒公著。誣其言韓琦欲因人心如趙鞅興晉陽之甲。以逐君側之惡。貶知潁州。命知制誥宋敏求草制。明著罪狀。敏求不從。但言敷陳失實。安石怒。命陳升之改其語行之。趙抃罷。

安石持新法益堅。抃大悔恨。上疏言。制置條例司遣使者四十餘輩。騷動天下。安石彊辯自用。詆公論爲流俗。

違衆罔民。順非文過。近者臺諫侍從。多以言不聽而去。司馬光除樞密。不肯拜。且事有輕重。體有大小。財利于事爲輕。而民心得失爲重。青苗使者。于體爲小。而禁近耳目之臣。用舍爲大。今去重而取輕。失大而得小。懼非宗廟社稷之福也。奏入。懇求去位。乃出知杭州。拊長厚政善應俗施教寬猛不同以惠利爲本。韓琦稱爲人中表儀已不及也。

以韓絳參知政事。

侍御史陳襄

字述古。侯官人。

言王安石參預大政。首爲興利之

謀。先與知樞密院事陳升之同領條例司。未幾。升之用是爲相。而絳繼之。曾未數月。遂預政事。則是中書大臣。皆以利進。乞罷絳新命。而求道德經術之賢以處之。庶

不害于王政而足以全大臣之節矣。不報。襄初由進士

意教化富弼薦之累官同修起居注收侍御史疏論青苗法不便請斥罷王安石呂惠卿以謝天下及是以言

屢不用乞外帝惜其去留修起居注逾年為知制誥安石欲出之帝不許尋直學士院帝嘗訪人材之可用者

襄以司馬光韓維呂公著范純仁蘇軾等三十三人對安石益惡之摘其書詔小失出知陳州考績綱目是

條所載陳襄奏宋史襄本傳不載韓絳傳亦無之惟于襄本傳云乞罷韓絳政府以杜大臣爭利而進者蓋即

括此奏之意而言之也乃續綱目于八年襄罷學士院條又追敘其為御史時乞罷絳政府事屬重複今節錄

襄本傳附注于此而襄罷學士院條刪不錄

以李定字資深揚州人考李定有四一與蘇舜欽獄已見前一濟南人嘉祐治平中以風采聞一綏州人陝

西副都總管浩之父為監察御史裏行罷知制誥宋敏求一即此後劾蘇軾

蘇頌字子容南安人李大臨字才元成都人

定少受學于王安石舉進士為秀州判官孫覺薦之朝

召至京師。李常見之。問曰。君從南方來。民謂青苗法如何。定曰。民便之。無不喜者。常曰。舉朝方共爭是事。君勿爲此言。定卽往白安石。且曰。定但知據實以言。不知京師乃不許。安石大喜。立薦對。帝問青苗事。定曰。民甚便之。于是諸言新法不便者。帝皆不聽。命定知諫院。宰相言前無選人除諫官之比。遂拜監察御史裏行。知制誥宋敏求。蘇頌。李大臨。言定不由銓考。擢授朝列。不緣御史薦寘憲臺。雖朝廷急于用才。度越常格。然隳紊法制。所益者小。所損者大。封還制書。詔諭數四。頌等執奏不已。並坐累格。詔命落知制誥。天下謂之三舍人。未幾。監察御史陳薦。字彥升。邢州沙河人。言。定頃爲涇縣主簿。聞母仇氏。

死。匿不爲服。定自辯實不知爲仇氏所生。故疑不敢服。

而以侍養辭官。

考仇氏初在民間。生子爲浮屠。曰了元。卽佛印也。後爲國子博士李問妾。生定。

又出嫁郤氏。生蔡奴。工傳神。見陸游老學菴筆記。

曾公亮謂當行追服。安石力

主之。罷薦御史。而改定爲崇正殿說書。監察御史林旦

字次中。福州人。

薛昌朝。范育。

字異之。祥之子。

復言定不孝之人。不宜居

勸講之地。并論安石之罪。安石又白罷三人。定亦不自安。求解說書。乃授檢正中書吏房。直舍人院。

詔百官坐罪免杖黥。著爲令。

知全州張仲宣坐枉法贓。法官援例杖脊。黥配海島。判審刑院。蘇頌言于帝曰。古者刑不上大夫。仲宣官五品。今黥之。使與徒隸爲伍。雖其人無可矜。所重者。汙辱衣

冠耳。帝曰。善。詔免杖黥。而流海外。因著爲令。

罷監察御史裏行程顥。張戢。

字天祺。大梁人。

右正言李常。以謝景

溫。

字師直。富陽人。

爲侍御史。知雜事。

顥言。自古興治立事。未有中外人情交謂不可。而能有成者。況于排斥忠良。沮廢公議。用賤凌貴。以邪姦正者乎。正使僥倖小有成事。而興利之臣日進。尚德之風浸衰。尤非朝廷之福。帝令顥詣中書議。安石方怒言者。厲色待之。顥徐言曰。天下事非一家私議。願平氣以聽之。安石爲之媿屈。戢與臺官王子韶論新法不便。乞召還孫覺。呂公著。戢又上疏論王安石亂法。曾公亮。陳升之。依違不能救正。韓絳左右徇從。李定以邪諂竊臺諫。呂

宰臣積怒言官紛紛乞罷
臺諫一空甚至援如舊
居要職廟堂拱手而聽莫
可如何何景益見其初定制
史不得由宰相薦引實爲
防患未然也

惠卿刻薄辯給。假經術以文姦言。豈宜勸講君側。戢又
書爭之。安石舉扇掩面而笑。戢曰。戢之狂直。宜爲公笑。
然天下之笑公者不少矣。陳升之從旁解之。戢曰。公亦
不得爲無罪。常上言。均輸青苗。斂散取息。傳會經義。何
升之有愧色。常上言。均輸青苗。斂散取息。傳會經義。何
異王莽猥析周官片言。以流毒天下。安石遣所親密諭
意。常不爲止。又言。州縣散常平錢。實不出本。勸民出息。
帝詰安石。安石請令常具官吏主名。常以非諫官。體不
奉詔。安石既積怒言者。而顥等以言不行。亦各乞罷。乃
罷常通判滑州。戢知公安縣。子韶知上元縣。安石素善
顥。及是雖不合。猶敬其忠信。但出爲京西路提刑。顥固
辭。乃改簽書鎮寧節度判官。數日之間。臺諫一空。安石
以外議紛紛。請以姻家謝景溫爲侍御史。知雜事。帝從

之。

五月。詔罷制置條例歸中書。以呂惠卿兼判司農寺。

先是。言者皆請罷條例司。帝問安石。可併入中書否。安石言。修條例未畢。且臣與韓絳共領是司。每請問奏事。今絳在密院。未可併。請緩之。至是。絳入中書。乃降詔。以其事還中書。又以手札諭安石。凡修條例掾屬。悉授以官。青苗免役農田水利等法。付司農寺。命呂惠卿掌之。遼立賢良科。

令進是科者。先以所業十萬言進。

分審官東西院。六月。罷知諫院胡宗愈。

字完夫。宿從子。

舊制。文選屬審官院。武選屬樞密院。至是。帝與王安石

議分審官爲東西院。東主文西主武。以奪樞密之權。且沮文彥博也。彥博言于帝曰。若是則臣無由與武臣相接。何由知其才而委令之哉。帝不聽。宗愈亦力言其不可。且言李定非才。帝惡之。手詔宗愈潛伏姦意。中傷善良。罷通判真州。

以朱壽昌

字康叔。揚州天長人。

通判河中府。

壽昌生三歲。其父巽守京兆。出其母劉氏。母子不相聞

者五十年。

考宋史壽昌本傳。續綱目。通鑑皆言劉氏方娠而出壽昌。生數歲。方還父家。王偁東都事

畧則云。壽昌既生而出。與蘇軾志林。魏泰東軒筆錄。所載畧同。軾與壽昌同時。必不誤。今依東都事畧改輯。

壽昌行四方求之。不得飲食。罕御酒肉。與人言輒流涕。

及知廣德軍。

續綱目。誤作廣州。今改正。

與家人訣。棄官入秦。誓不見

母不還。行次同州得焉。劉氏時年七十餘矣。京兆守臣錢明逸以聞。詔壽昌赴闕。時言者共攻李定。不服母喪。王安石力主定。因忌壽昌。及壽昌至。但付審官院折資。通判河中府。時蘇軾作詩及序贈壽昌。且譏世之不養者。定見之。大恨。居數歲。其母卒。壽昌居喪幾喪明。天下稱其孝。

秋七月。罷呂公弼知太原府。以馮京

字當世。江夏人。

為樞密副使。

公弼以王安石變法。數勸其務安靜。安石不悅。公弼具

疏將論之。從孫嘉問

字望之。

竊其藁。以示安石。安石先白

之。帝怒。遂罷公弼知太原府。呂氏號嘉問為家賊。京為

御史中丞。言薛向總利權無績效。近者復除天章閣待

制。子侍從為最親。非向人材所堪處。帝不悅。以語安石。

安石請改用京帝從之以爲樞密副使。

八月夏人寇環慶州以韓絳爲陝西宣撫使。

先是夏人築諾和

舊作開訛今改

堡知慶州李復圭

字審言徐州人

合

蕃漢兵三千遣裨將李信劉甫襲之大敗而還復圭斬信等以自解復出兵追夏人殺其老幼二百以功告捷至是夏人大舉八環慶分其軍多者號二十萬少者不下一二萬攻大順城及柔遠等砦游騎至慶州城下九日乃退鈴轄郭慶等數人死焉韓絳請行邊乃以絳爲陝西宣撫使授以空名告敕得自除吏尋命兼河東宣撫使

九月以曾布爲崇政殿說書兼判司農

王安石嘗欲置其黨一二入于經筵以防察奏對者呂

惠卿遭父喪去職安石遂薦布代之布資序淺人尤不

服尋罷

山陰陸佃嘗受經于安石至是應舉入京師安石問以新政佃曰法非不善但推行不能如初

意還為擾民安石驚曰何乃爾吾與惠卿議之又訪外

議佃曰公樂聞善古所未有然外間頗以為拒諫安石

笑曰吾豈拒諫者但邪說營營顧無足聽佃曰是乃所

以致人言也明日召佃謂之曰惠卿言私家取債亦須

一雞半豚已遣李承之使淮南質究矣既而承之還詭

言民無不便佃說遂不行陸佃字農師李承之字奉

世漢

人

以劉庠知開封府

庠不肯屈事王安石安石欲見之或以為言庠曰安石

自執政未嘗一事合人情往將何語邪卒不往上疏極

言新法非是帝曰奈何不與大臣協心濟治乎庠對曰

臣知事陛下而已。不敢附安石也。

曾公亮罷

公亮初嫉韓琦。故薦王安石以間之。及同輔政。知帝方向安石。凡更張庶事。一切陰助之。而外若不與同者。嘗遣其子孝寬字令緯參其謀至帝前。畧無所異。由是帝益

信任安石。安石深德之。公亮以老求去。遂拜司空。侍中。

集禧觀使。蘇軾嘗從容責公亮不能救正。公亮曰。上與介甫如一人。此乃天也。然安石猶以公亮不

盡阿附已。聽其罷相。

以馮京參知政事。吳充為樞密副使。

河東麟府豐三州。此豐州。宋嘉祐中。以薤泊川掌地置故城在今葭州府谷縣。其唐故豐州。

前已沒于西夏。城壘兵械不治。官吏皆受譴。京以前帥本道上

河東三州兵械不修廢弛已非一日凡曾在斯土者厥罪惟均乃現職既皆受

謹馮京以前帥自劾獨云
優容且不惟宥之又從而
擢居政府賞罰不亦倒置
乎

章自劾。優詔不聽。進參知政事。充性謹密。在西府。數言
王安石之非。

策賢良方正之士。黜台州司戶參軍孔文仲。

字經父。新喻人。

詔舉賢良。帝親策之。太原判官呂陶

字元鈞。成都人。

對曰。陛下

初卽位。願不惑理財之說。不聞老成之謀。不與疆場之

事。陛下措意立法。自謂庶幾堯舜。然以陛下之心如此。

天下之論如彼。獨不返而思之乎。及奏第。帝顧王安石

取卷讀。讀未半。神色頓沮。帝覺之。使馮京竟讀。稱其言

有理。台州司戶參軍孔文仲策凡九千餘言。力論安石

所建之法非是。宋敏求第爲異等。安石怒。啓帝御批。罷

文仲還故官。齊恢

字熙業。蒲陰人。

孫固封還御批。范鎮上疏。臣

所薦孔文仲。草茅疎遠。不識忌諱。且以直言求之。而又罪之。恐爲聖明之累。不聽。呂陶亦止授通判蜀州。

罷翰林學士司馬光。

光求去。上曰。王安石素與卿善。何自疑。光曰。安石執政。凡忤其意。如蘇軾輩者。皆毀其素履。中以危法。臣不敢避削黜。但欲苟全素履。且臣善安石。孰如呂公著。安石初舉公著。後亦毀之。彼一人之身。何前是而後非。必有不信者矣。求益力。乃以端明殿學士知永興軍。

冬十月。陳升之罷。

升之既忤安石。

安石數侵辱之。升之不能堪。稱疾臥家。逾十旬乃出。會母喪去位。

貶秦鳳經畧使李師中。

字誠之。楚邱人。知舒州。

先是建昌軍

宋置。今江西建昌府是。

司理王韶

字子純。江州德安人。

詣闕上

平戎三策。以爲西夏可取。欲取西夏。當先復河湟。欲復

河湟。當先以恩信招撫沿邊諸種。自武威之南。至于洮

河。蘭鄯皆故漢郡。其地可以耕而食。其民可以役而使。

幸今諸羌瓜分。莫相統一。此正可并合而兼撫之時也。

且唃氏

唃斯囉合三字方成一名。今改且勒斯賚。龍稱爲唃氏。蓋未解西番語也。

子孫轄戩

董戩養子額爾古之子。亦名本把戩。額爾古。舊作阿里骨。本把戩。舊作那彪。今改差盛。爲諸戎

所畏。若招撫之。使糾察宗黨。制其部族于漢有肘腋之

助。且使夏人無所連結。策之上也。帝異其言。召問方畧。

王安石以爲奇。請以韶管幹秦鳳經畧司。機宜文字。韶

請築渭涇上下兩城。屯兵以撫納洮河諸部。下師中議。

師中以為不便。詔師中罷帥事。詔又言渭源西魏縣。宋置。元仍

為縣。今屬鞏昌府。至秦州。良田不耕者萬頃。願置市易司。頗籠

商賈之利。取其贏以治田。乞假官錢為本。詔秦鳳經畧

司以川交子易物貨給之。命韶領市易事。師中言。韶所

指田。乃極邊弓箭手地耳。又將移市易司于古渭。宋若

中置。後為鞏州。今鞏昌府治是。恐秦州自此益多事。所得不補所亡。安

石主韶議。為削師中職。徙知舒州。而以竇舜卿字希元。安陽人。

知秦州。與內侍李若愚按問田所在。僅得地一項。地主

有訟。又歸之矣。舜卿若愚奏其欺。安石又為謫舜卿。而

命韓縝。縝遂附會。實其事。乃進韶太子中允。初。師中仕州縣。耶狀

報包拯。參知政事。或曰。朝廷自此多事矣。師中曰。包公何能為。今知鄞縣王。安石者。眼多白。甚似王敦。他日亂

天下者必斯人也。世貴其先識。

翰林學士范鎮致仕。

鎮上疏曰。臣言青苗不見聽。一宜去薦蘇軾孔文仲不見用。二宜去李定避持服。遂不認母。壞人倫。逆天理。而欲以爲御史。反爲之罷舍人。逐臺諫。王韶上書肆意欺罔。以興造邊事。事敗則置而不問。反爲之罪帥臣。及不用蘇軾。則擠撫其過。不悅孔文仲。則遣之歸任。以此二人。况彼二人。是非得失。能逃聖鑑乎。因復極言青苗之害。且曰。陛下有納諫之資。大臣有拒諫之計。陛下有愛民之性。大臣用殘民之術。疏入。王安石大怒。持其疏至手顫。乃自草制極詆之。遂以戶部侍郎致仕。凡所宜得。

朱祖親歷行間習見五季
積弊開國之初即定爲更
戍法使習焉苦均勞佚將
不擅專而兵無倚倚立制
最善乃無端盡改舊章分
置諸將廢塲祿而兵恬嬉
毫無裨于實用神宗事事
更張而不計可否名曰整
軍政而實自益廢弛其可
笑也

恩典悉不與。鎮表謝。畧曰。願陛下集羣議爲耳目。以除
壅蔽之姦。任老成爲腹心。以養中和之福。天下聞而壯
之。蘇軾往賀曰。公雖退而名益重矣。鎮愀然曰。君子言
聽計從。消患于未萌。使天下陰受其賜。無智名無勇
功。吾獨不得爲此。使天下受其害。而吾享其名。吾何心哉。
十二月改諸路更戍法。

初太祖懲五代之弊。用趙普策定兵制。天子衛兵以守
京師。更番戍邊者曰禁軍。諸州鎮兵以分給役使者曰
廂軍。選于戶籍。或應募使之團結。以爲所在防守者曰
鄉軍。具籍塞下。以爲藩籬者曰蕃軍。大抵四者而已。至
是議者以更戍法雖無難制之患。而兵將不相識。緩急
不可恃。乃部分諸路將兵。總隸禁旅。使兵知其將。將練

其兵平居知有訓厲而無番戍之勞有事而後遣焉既

而分置將副

事在七年

京畿河北京東西路三十七將

河北十七

將京畿七將

京東

九將京西四將

將

陝西五路四十一將

鄜延

九將

涇原

將秦鳳五將

熙河

然禁旅盡屬將官飲食嬉遊養成驕惰又

將官遂與州郡長吏爭衡每將各有部將隊將押隊使

臣及訓練官等數十人而諸州舊總管鈐轄都監監押

設官重復虛破廩祿知三者皆知其非卒不能奪也

立保甲法

保甲本周禮比閭遺意使

民自相友助以收詰奸禁

盜之益有司編籍考稽期

無懈弛而巳若督責

過嚴人皆畏其束縛煩苦

則非所以保民而適以厲

王安石言先王以農爲兵今欲公私財用不匱爲宗社

長久計當罷募兵用民兵乃立保甲其法十家爲保有

保長五十家爲大保有十大保爲都保有都保

民且復授之弓弩教之戰陣驅飲食耕鑿之倫使日從事於擊刺其爲較棄舍業者不少矣。梁懷素既無適於用。變警署或因而橫行尤無益而有損。是又泥陷兵於農之法而未達乎古今異宜之故也。

正副主客戶兩丁以上選一人爲保丁。附保兩丁以上有餘丁而壯勇者亦附之。內家資最厚材勇過人者亦充保丁。授之弓弩教之戰陣。每一大保夜輪五人警盜。凡告捕所獲以賞格從事。同保犯強盜殺人強姦畧人傳習妖教造蓄蠱毒知而不告依律伍保法。餘事非干已。又非敕律所聽糾皆毋得告。雖知情亦不坐。若于法鄰保合坐罪者乃坐之。其居停強盜三人經三日保鄰雖不知情科失覺罪。逃移死絕同保不及五家併他保有自外人保者權爲同保。戶數足則附之。俟及十家則別爲保。置牌以書其戶數姓名。提點刑獄趙子幾迎安石意請先行于畿甸。詔從之。遂推行于永興秦鳳河北。

東西五路以達于天下

保甲始行特以捕盜賊相保任既而詔畿內保丁肄習武事第

一 等者天子親閱試之命以官二等至四等加恩有差五年以曾布言詔主戶保丁分番隸巡檢司十日一更其永興五路肄習如畿內惟母上番餘路止相保任毋習武藝其並邊可肄者令監司度之凡保甲先隸司農八年改隸兵部其政令則聽于樞密至元豐二年又立開封府界集教保丁其法自府界推之諸路各置文武官為教頭使教保丁其法自府界推之諸路各置文武官一人提舉禁令苛急民不勝擾往往去而為盜判大名府王拱辰抗言其害曰非止困其財力奪其農時是以法驅之使陷于罪罟也浸淫為大盜其兆已見縱未能盡罷願裁損下戶以紓之主者指拱辰為沮法拱辰曰此老臣所以報國也抗章不已帝悟由是下戶得免考宋史王拱辰傳元豐初判大名抗論保甲之害續綱目并載是條敘次不清今採兵志及拱辰傳改輯

以韓絳王安石同平章事王珪參知政事

時絳開幕府于延安詔即軍中拜之尋命王安石提舉編修三司令式珪為翰林學士承旨典內外制十八年嘗

因齋宮賦詩有所感歎帝聞而憐之遂拜參知政事

行募役法

先是詔條例司講立役法條例司言使民出錢募人充役卽先王致民財以祿庶人在官者之意命呂惠卿曾布相繼草具條貫踰年始成計民之貧富分五等輸錢名免役錢若官戶女戶寺觀單丁未成丁者亦等第輸錢名助役錢凡數錢先視州若縣應用雇直多少隨戶等均取雇直又增取二分以備水旱欠闕謂之免役寬剩錢用其錢募人代役既試用其法于開封府遂推行于諸路既而東明縣本漢東昏王莽改東明晉省宋復置故城在今開封府蘭陽縣今大名府東明縣民數百紛然詣開封府訴帝知之又以臺

諫多論奏。因謂安石宜少裁之。安石對曰。朝廷制法。當

斷以義。豈須規規恤淺近之人議論邪。考是條續綱目及宋元通鑑俱

載有司馬光奏。今據宋史食貨志。及光傳。免役初行。俱

不載。光有特奏。元祐元年。光既秉政。疏陳免役五害。其

文與此奏畧同。續綱目通鑑既載于此。而元祐元年

又載光所論五害之言。殊屬重複。今刪此而錄于後。

四年春正月。韓絳使种諤襲夏人。敗之。遂城囉兀。在綏

米脂縣西北。沈括曰。夏人築城于撫寧故縣之北。滴

水崖。崖石峭拔。高十餘丈。下臨無定河。謂之囉兀城。

韓絳素不習兵事。開幕府于延安。措置乖方。選蕃兵為

七軍。復以种諤為鄜延鈐轄。知青澗城。命諸將皆受其

節制。蕃兵皆怨望。諤謀取橫山。乃帥師襲夏人于囉兀。

大敗之。因以眾二萬城焉。賜名嗣武砦。自是夏人日聚兵為

報復計。吕公弼言。諤啓邊患。宜戒之。弗聽。已而絳言。諤

入夏之功乞加旌賞詔從之

粥廣惠倉田

廣惠倉田本絕戶業以賑濟者也王安石請鬻之以爲河北東西陝西京東四路青苗本錢詔從之

二月更定科舉法專以經義論策試士考熙寧定科舉宋史選舉志載于前

年三月而神宗本紀仍兩年互見蓋前年建議是年始行也今依續綱目書于此

初上篤意經學深憫貢舉之弊且以西北人材多不在

選遂議更法王安石謂古之取士俱本于學請興建學

校以復古其明經諸科欲行廢罷詔近臣雜議監官告

曰科舉之法行之百年治亂盛衰初不由此今議者或

曰鄉舉德行而畧文章或曰專取策論而罷詩賦夫欲

興德行在于君人者修身以格物審好惡以表俗若欲

設科立名以取之則是教天下相率而爲僞也上以孝

學者意經術固有資於
根柢然或心術不正如兩
漢五鹿充宗張禹孔光輩
非不博通古誼世號經師
卒之比附權奸且爲國蠹
可知用人不尚虛言要視
其力行何如耳况科舉之
制惟藉爲登進先資至得
人之適用與否則尚需之
歷試蘇軾所云設法取士
不過如此最爲通論若徒

循名而不考其實經義之
與詞賦其弊又何以異乎

取人。則勇者割股。怯者廬墓。上以廉取人。則敝車羸馬。惡衣菲食。凡可以中上意。無所不至矣。自文章而言之。則策論爲有用。詩賦爲無益。自政事言之。則詩賦策論。均爲無益。然自祖宗以來。莫之廢者。以爲設法取士。不過如此也。且自唐至今。以詩賦爲名臣者。不可勝數。何負于天下。而必欲廢之。近世士人。纂類經史。綴輯時務。謂之策括。臨時剽竊。以眩有司。其弊有甚于詩賦者矣。議上。帝曰。吾固疑此。得軾議釋然矣。他日。王安石言于帝曰。進士科試詩賦。亦多得人。然謂科法已善。則未也。士少壯時。正當講求天下正理。乃閉門學作詩賦。及其入官。世事皆所未習。此科法敗壞人材。致不如古。既而中書門下言。今欲追復古制。則患于無漸。宜先除去聲律偶對之文。使學者得專意經術。以俟朝廷興建學校。然後講求三代所以教育選舉之法。施之天下。則庶幾可以復古。于是改法。罷詩賦帖經墨義。士各占治易詩書周禮禮記一經。兼論語孟子。每試四場。初本經。次兼經。大義凡十道。次論一

道。次策三道。禮部試卽增二道。中書撰大義式。頒行試義者。須通經有文采。乃爲中格。不但如明經墨義。麓解章句而已。其殿試則專以策。限千字以上。分五等。第一等。二等。賜進士及第。第三等。賜進士出身。第四等。賜同進士出身。第五等。賜同學究出身。舊制進士入進謝恩。仍賜錢三千。爲期集費。

三月。夏人陷撫寧。注見前。諸城詔安置。种諤于潭州。韓絳免。

諤進築永樂川。賞逋嶺二砦。永樂城在綏德州米脂縣西。後改爲銀川砦。賞逋嶺

砦亦在米脂縣境。分遣都監趙璞。雄州人。振之子。燕達。字逢辰。開封人。築撫寧

故城。及分荒堆三泉。吐渾川。開光嶺。葭蘆川。四砦。三泉在葭

州界。吐渾川蓋卽吐延川。在延安府延川縣北。開光城在綏德州西北。本西魏縣。唐未廢。宋于此置砦。後改爲

堡葭蘆砦

即今葭州。與河東路修築各相去四十餘里。已而夏人

攻順寧砦。

注見前

遂圍撫寧折繼世。

御卿孫

高永能。

字君舉青澗人

等擁兵駐細浮圖。

在綏德州西北與米脂縣接界本夏人砦後入宋改名克戎

去撫

寧咫尺。囉兀兵勢尚完。諤在綏德節制諸軍。聞夏人至。

茫然失措。欲作書召燕達。戰悸不能下筆。顧運判李南

公。

字楚老鄭州人

涕泗不已。由是新築諸堡悉陷。將士沒者千

餘人。詔棄囉兀城。治諤罪。責授汝州團練副使。潭州安

置絳坐興師敗衄。罷知鄧州。

詔察奉行新法不職者。

先是知山陰縣陳舜俞。

字令舉烏程人

不散青苗錢。上疏自劾。

謫監南康軍鹽酒稅。

辛子貶所

又知長葛縣樂京。

荆南人

不奉

助役法。知湖陽縣劉蒙。字子明。渤海人。議免役不便。俱奪官。至

是。詔察奉行不力者。知陳留縣姜潛。字至之。奉符人。到官。纔數

月。青苗令下。潛卽榜于縣門。又移于鄉村。各三日。無人

至。遂撤榜。付吏曰。民不願矣。卽移疾去。考宋史。陳舜俞。傳。嘗棄官居秀

州。已而復出。遂貶死。蘇軾稱其學術才能。兼百人之器。一斥不復。士大夫惜之。續綱目于此。乃云。舜俞先上書。

極論新法。謫南康軍。至是。復上書言新法實便。識者笑之。與本傳不合。宋元通鑑。于熙寧三年。則云。舜俞卒于

貶所。于此。則又因襲續綱目之文。前後尤牴牾。今改輯。

浚漳河。注詳前。

漳河。初由磁洛南入冀州。與胡盧河注見前。合。其後變徙。

入于大河。先是。從內侍程昉議。詔昉與河北提點刑獄

王廣廉。相視開修。至是。役兵萬人浚之。袤一百六十里。

河道變徙。自應相視開修。以除民患。安石此論。未可盡非。若如彥博所云。不出於東。則出於西。是聽其潰溢。四出而置。萬姓田廬於

度外豈司牧者高目民報
竟委之束手無餘已乎至
欲省力役以足財用尤爲
不權輕重之見神宗乃欲
省事安靜以應天變亦未
識天心仁愛斯民之大要
矣

帝患財用不足。文彥博曰：足財用在乎安百姓。安百姓在乎省力役。且河久不開，不出于東，則出于西。利害一也。今發夫開治，徒東從西，何利之有？王安石謂：使漳河不由地中行，則或東或西，爲害一也。治之使行地中，則有利而無害。會京東河北風變異常，民大恐。帝手詔中書令省事安靜，以應天變。漳河之役妨農，來歲爲之未晚。王安石格詔不下。

夏四月，以司馬光判西京留臺。

光在永興，以言不用，乞判西京留臺，不報。又上疏曰：臣之不才，最出羣臣之下。先見不如呂晦，公直不如范純仁，程顥敢言不如蘇軾，孔文仲勇決不如范鎮，今陛下

惟安石是信。附之者謂之忠良。攻之者謂之讒惡。臣今日所言。陛下之所謂讒惡者也。若臣罪與范鎮同。即乞依鎮例致仕。若罪重于鎮。或爲或誅。所不敢逃。久之。乃從其請。光旣歸洛。自是絕口不論新法。

出監官告院蘇軾通判杭州。考宋史蘇軾傳。及王宗稷東寧四年。而續綱目載于三年七月。宋元通鑑據本傳。載于是年四月。今依之。又考軾傳。治平二年。進直史館。明年。丁父憂歸。熙寧二年。服闋還朝。監官告院。而續綱目于軾出判杭州。猶書直史館。非是。今改正。

軾自議貢舉與帝合。即日召見。問方今政令得失。軾對曰。陛下天縱文武。不患不明。不患不勤。不患不斷。但患求治太急。聽言太廣。進人太銳。願鎮以安靜待時之來。然後應之。帝竦然曰。卿三言。朕當熟思之。凡在館閣。皆求治太急。進人太銳。深切神宗之病。至于聽言太廣。之論尚有未中肯綮處。蓋神宗之失不在聽之廣而

在廣而不得要領。聖之
政惟以信任。謫言不能衷
之輿論。正患聽言之未盡
其道耳。廣諮博訪。豈足為
累乎。

當為朕深思治亂。無有所隱。軾退言于同列。王安石不
悅。命權開封推官。將困之以事。軾決斷精敏。聲聞益遠。
嘗以新法不便。上疏極論。畧曰。臣之所言者三言而已。
紀。人主所恃者。人心也。自古及今。未有和易同眾而不
安。剛果自用而不危者。祖宗以來。治財用者。不過三司。
今陛下又創制置三司條例司。使六七少年。日夜講求
于內。使者四十餘輩。分行營幹于外。以萬乘之土。而言
利。以天子之宰而治財。君臣宵旰。幾一年矣。而富國之
功。茫如捕風。徒聞內帑出數百萬緡。祠部度五千人耳。
以此為術。人皆知其難也。汴水濁流。自生民以來。不以
種稻。今欲陂而清之。萬頃之稻。必用于頃之陂。一歲一
淤。三歲而滿矣。陛下使相視地形所在。鑿空訪尋。水利
隄防。一開水。失故道。雖食議者之肉。何補于民。自古役
人必用鄉戶。徒聞江浙之間。數郡雇役而欲措之天下。
自楊炎為兩稅。租調與庸。既兼之矣。奈何復欲取庸。青
苗放錢。自昔有禁。今陛下始立成法。每歲常行。雖云不
許抑配。而數世之後。暴君汚吏。陛下能保之乎。昔漢武
以財力匱竭。用桑弘羊之說。買賤賣貴。謂之均輸。于時
商賈不行。盜賊滋熾。幾至于亂。臣願陛下結人心者。此

也。國家之所以存亡者。在道德之淺深。不在乎強與弱。時數之所以長短者。在風俗之厚薄。不在乎富與貧。臣願陛下務崇道德而厚風俗。不願陛下急于有功而貪富彊。仁祖持法至寬。用人有序。專務掩覆過失。未嘗輕改舊章。考其成功。則曰未至。言乎用兵。則十出而九敗。言乎府庫。則僅足而無餘。徒以德澤在人。風俗知義。故升遐之日。天下歸仁。議者見其末年吏多因循。事不振舉。乃欲矯之以苛察。濟之以智能。招來新進勇銳之人。以圖一切速成之效。未享其利。澆風已成。欲望風俗之厚。豈可得哉。臣願陛下厚風俗者此也。祖宗委任臺諫。未嘗罪一言者。縱有薄責。旋即超升。許以風聞。而無官長。言及乘輿。則天子改容。事關廊廟。則宰相待罪。臺諫固未必皆賢。所言亦未必皆是。然須養其銳氣。而借之重權者。將以折姦臣之萌也。臣聞長老之談。皆謂臺諫所言。常隨天下公議。今者物論沸騰。怨讟交至。公議所在。亦知之矣。臣恐自茲以往。習慣成風。盡爲執政私人。以致人主孤立。綱紀一廢。何事不生。臣願陛下存綱紀者此也。先是。軾見王安石贊帝以獨斷專任。軾因試進士發策。以晉武平吳。獨斷而克。苻堅伐晉。獨斷而亡。齊桓專任管仲而霸。燕噲專任子

之而敗。事同功異。為問。安石滋怒。使侍御史謝景溫論奏其過。詔下六路捕逮篙工水師。窮治無所得。軾遂請外。通判杭州。

以鄧綰字文約。成都雙流人。為侍御史。判司農事。

初。綰通判寧州。注見前。知王安石得君專政。乃條上時事

數十。以為宋興百年。習安玩治。當事更化。言陛下得伊周之佐。作青苗免役等法。民莫不歌舞聖澤。願勿移于浮議。而堅行之。復貽安石書。極其佞諛。由是安石力薦于帝。遂驛召對。除集賢校理。檢正中書孔目房。鄉人在都者。皆笑且罵。綰曰。笑罵從他笑罵。好官還我為之。尋同知諫院。時新法皆出司農。曾布不能獨任其事。安石

欲藉綰以威衆故有是命

五月右諫議大夫呂誨卒

誨以疾表求致仕曰臣本無宿疾偶值醫者用術乖方妄投藥劑寢成風痺遂艱行步非祇憚跋扈之苦又將虞心腹之變勢已及此爲之奈何雖然一身之微固未足恤其如九族之託良以爲憂蓋以身疾喻朝政也至是病亟司馬光往省之至則目已瞑聞光哭張目彊視曰天下事尚可爲君實勉之遂卒

高麗來貢

高麗爲遼所阻不通中國者四十二年

自仁宗天聖八年入貢至是爲

四十二年諸書作四十三

年者誤至是福建轉運使羅拯字道濟祥符人令商

高麗海外最遠能與遼相抗且爲遼所阻即久絕中國聘貢其不能叛遼自立亦可想見乃因估舶一通安撫結弱邦以謀勦敵

徒使與國生心終成畫餅
何計之左也

人黃真

池水燕談作慎

招接通好。高麗王徽乃因真還移牒福

建願備禮朝貢。拯以聞。朝議謂可結以謀遼。乃命拯諭

意。至是徽遂遣其民官侍郎金悌

高麗史作覲。澠水燕談作策。

及朴

寅亮

字代天。竹州人。

等由登州入貢。

後請改由明州從之。

自是與中國復

通。聘貢相繼。

罷知開封府韓維。

保甲法行。鄉民憂無錢買弓矢。加以傳惑。徙之戍邊。父

子聚泣。維時知開封。上言諸縣團結保甲。鄉民驚擾。至

有截指斷腕以避丁者。乞候農隙排定。帝以問安石。安

石對曰。此固未可知。就令有之。亦不足怪。大抵保甲法

不特除盜用。可漸習為兵。且省財費。唯陛下果斷。不恤

人言以行之。帝遂變河東北陝西三路義勇如府畿保甲法。安石由此益惡維。維力辭。安石因言維善附流俗。以非上所建立。乞允其請。會文彥博求去。帝曰。密院事劇。當除韓維佐卿。明日。維奏事殿中。以言不用。方請外郡。帝曰。卿東宮舊人。當留輔政。維對曰。使臣言得行。賢于富貴若緣攀附舊恩以進。非臣之願也。乃出知襄州。六月。知蔡州歐陽修致仕。

修以風節自持。既連被污蔑。年六十。卽乞謝事。及守青州。上疏請止散青苗錢。帝欲復召執政。王安石力詆之。乃徙蔡州。至是。求歸益切。馮京請留之。安石曰。修附麗韓琦。以琦爲社稷臣。如此人在一郡。則壞一郡。在朝廷

則壞朝廷留之安用乃以太子少師致仕

貶富弼官徙判汝州

弼判亳州青苗法行弼謂如是則財聚于上人散于下持不行提舉官趙濟劾弼沮格詔旨鄧綰乞付有司鞠

治乃落弼武寧節度使同平章事以左僕射移判汝州

王安石曰弼雖責猶不失富貴昔蘇以方命殛其工以象恭流弼兼二罪止奪使相何由沮姦帝不答弼行過應天謂判府張方平曰人固難知也方平曰謂王安石乎亦豈難知者方平頃知皇祐貢舉或稱其文學辭以考校既至院中之事皆欲紛更方平惡其為人檄之使出自是未嘗與語弼有愧色蓋弼亦素喜安石也

秋七月貶御史中丞楊繪字元素知鄭州監察御史裏行

劉摯

字莘老東光人監衡州鹽倉

初繪言提舉常平張靚等科配助役錢二戶多者至三

百千。乞少裁損。以安民心。不聽。時賢士多引去。以避王

人不可不惜。當今范鎮。呂誨。歐陽修。富弼。司馬光。王陶

等皆引疾致仕。或自求散地。陛下可不思其故乎。安石

聞而深惡之。擊山檢正中書禮房。纔月餘。拜監察御史裏行。

擊為安石所器。入見時。帝褒諭之曰。卿從學王安石邪。

安石極稱卿器識。擊曰。臣東北人。少孤獨學。不識王安

石。始就職。即陳率錢助役十害。會繪亦言助役之難行

者有五。于是安石大怒。使知諫院張皞。

繪摯所論。作十難以詰之。皞辭不為。曾布請為之。且劾

繪摯欺誕懷向背。詔下其疏于繪摯。使各言狀。繪錄前

後四奏以自辯。摯奮然曰。為人臣。豈可壓于權勢。使天

子不知利害之實。即條對所難以伸其說。

畧曰。臣待罪

之說以聞。職也。今乃遽令分析。交口相直。無乃辱陛下

者君父。所背者權臣。願以臣章不報。明日復上疏論之。并司農奏。宣示百官。考定當否。畧曰。陛下夙夜勵精。以親庶政。天下未致于安。且治者誰致之邪。卽自以太平爲已任。得君專政者是也。二三年間。開闢搖動。舉天地之內。無一民一物得安其所者。其議財。則市井屠販之人。皆召至政事堂。其征利。則下至歷日。而官自弼之。推此以往。不可究言。輕用名器。淆混賢否。忠厚老成者。擯之爲無能。俠少儇辯者。取之爲可用。守道憂國者。謂之流俗。敗常害民者。謂之通變。凡政府謀議經畫。除用進退。獨與一掾屬會布者。論定。然後落筆。同列預聞。反在其後。故奔走乞丐之人。布門如市。今西夏之欵未入。反側之兵未安。三邊瘡痍。流潰未定。河北大旱。諸路大水。民勞財乏。縣官減耗。聖上憂勤念治之時。而政事如此。皆大臣誤陛下。而大臣所用者誤大。疏奏。安石欲竄摯嶺外。帝不許。詔貶繪知鄭州。謫摯監衡州鹽倉。噪亦落職。遣察訪使遍行諸路。促成役書。先是。衡州倉吏綱兵。姦利相市。鹽中美惡相雜。遠人未嘗食善鹽。摯至。悉心核視。且儲其羨以爲賞。弊去什七。父老目爲學士鹽。

八月以王雱

字元澤安石子

爲崇政殿說書

雱爲人慄悍陰刻無所顧忌性敏甚年十三時得秦卒

言洮河事嘆曰此可撫而有也使西夏得之則敵疆而

邊患博矣故安石聞王韶開熙河議因力主之未冠已

著書數十萬言舉進士調旌德

唐縣今屬寧國府

尉雱氣豪睥

睨一世不能作小官安石執政所用多少年雱亦欲預

選乃與父謀曰執政子雖不可預事而經筵可處安石

欲帝知而自用乃以雱所作策及注道德經鋟板鬻于

市遂傳達于帝鄧綰曾布文力薦之召見授太子中允

崇政殿說書安石更張政事雱實導之

雱嘗稱商鞅爲豪傑之士且言

不誅異議者則法不行安石一日與程顥語雱囚首跣足携婦人冠以出問父所言何事曰以新法爲人所沮

安石雱父子濟惡固君子之所棄然囚首跣足攜婦人冠以見其父子對客之

時此或出于惡皆歸之
日未免已甚宜安石乃偽
為名高之人亦豈肯容其
子如是哉

故與程君議之。雋大言曰。臬韓琦富弼之首于市。則法
行矣。安石遽曰。兒誤矣。顯曰。方與參政論國事。子弟不
可預。姑退。
雋不樂。

命王韶主洮河安撫司事。

時議取河湟。自古渭砦接青唐。

注俱見前。

武勝軍。

本唐臨州。沒于吐蕃。

號武勝軍。今蘭州府狄道州是。

應招納蕃部市易。募人營田等事。並令

王韶主之。韶至秦。會諸將以蕃部俞龍珂在青唐最大。

渭源羌與夏人皆欲羈縻之。議先致討。韶因按邊。引數

騎直抵其帳。諭以成敗。遂留宿。明日。兩種皆遣其豪。隨

韶以東。龍珂率其屬十二萬口內附。自言平生聞包中

丞。朝廷忠臣。乞賜姓包氏。帝如其請。賜名順。

九月。粥坊場河渡祠廟。

冬十月以鮮于侁

字子駿閬州人

爲利州轉運副使

初詔監司各定所部助役錢數利州路轉運使李瑜欲定四十萬侁時爲判官爭之曰利州民貧地瘠半此可矣瑜不從遂各爲奏帝是侁議諭司農曾布使頒以爲式因黜瑜而擢侁副使兼提舉常平侁惡王安石沽激要君嘗語人曰是人若用必壞亂天下及安石用事侁乃上書論時政以爲逆治體而召民怨者不可概舉其意專指安石安石怒毀短之帝稱其有文學可用安石曰何以知之帝曰有章奏在安石乃不敢言旣爲副使部民不請青苗錢安石遣吏責之侁曰青苗之法願取則與民不自願豈能彊之哉蘇軾稱侁上不害法中不

廢親下不傷民。以爲三難。

立太學生三舍法。

初國子生。以京朝七品以上子孫應蔭者爲之。太學生以八品以下。若庶人之俊異者爲之。試藝如進士法。及帝卽位。尤垂意儒學。自京師至郡縣。旣皆有學。至是因言者論太學假錫慶院西北廊。甚狹隘。乃盡以錫慶院及朝集院西廡廣太學。增直講爲十二員。率二員共講一經。生員釐爲三等。始入太學爲外舍。定額爲七百人。外舍升入內舍。員三百。內舍升上舍。員百。各執一經。從所講官受學。月考試其業。優等以次升舍。上舍免發解。及禮部試。召試賜第。其正錄學諭。宋史職官志。國子監正錄各五人。秩正九

民情固可與樂成難與圖
始然果有實惠及民則始
或怨誰者不久即為感悅
如子產之治鄭先謗而後
頌是也若熙寧新法次第
舉行已閱四年之久上下
交訐其不便於民可知乃
不務改絃易轍以順人情
而效厲王之故智踵商鞅
之覆車思欲威脇刑禁防

品舉行學規。學諭秩亦正九品。以上舍生為之。經各二員。學行卓異者。

主判直講。復薦之于中書。除官。其後增置八十齋。齋三

十人。外舍生至二千人。歲一試。補內舍生。間歲一試。補

上舍生。彌封謄錄。如貢舉法。文獻通考真宗景德中始令禮部糊名考較祥符八

年制。監錄院。

壬午五年春正月。置京城邏卒。察謗議時政者。收罪之。

三月。南平王李日尊。公蘊之孫。死。子乾德嗣。

日尊既死。乾德遣使來告哀。詔封乾德為交趾郡王。

判汝州富弼致仕。

弼至汝州兩月。即上言。新法臣所不曉。不可以治郡。願

歸洛養疾。許之。遂請老。復授司空武寧節度使。致仕。弼

川之喻敢怒之形寧未之
前聞耶

御批歷代通鑑輯覽

卷之二十一

三

雖家居朝廷有大利害。知無不言。帝雖不盡用。而眷禮不衰。常因王安石有所建明。却之曰。富弼手疏稱老臣無所告訴。但仰屋竊嘆者。卽當至矣。其敬之如此。行市易法。

自王韶倡爲緣邊市易之說。王安石善之。以爲與漢平準法同。可以制物低昂而均通之。遂用草澤魏繼宗議。以內藏庫錢帛。置市易務于京師。凡貨之可市。及滯于民而不售者。平其價市之。願以易官物者聽。若次市于官者。則度其田宅。或金帛。爲抵當而貸之錢。責期使償。半歲輸息十一。及歲倍之。過期不輸。息外每月更加罰錢。以戶部判官呂嘉問爲提舉。嘉問上建置十三事。其欲于律外禁兼并之

家輒取利。帝去之。安石執不可。已而帝聞其太煩碎。人皆怨謫。欲罷之。以問安石。安石對曰。立法當論有害于人與否。不當以煩碎廢也。自是諸州上供薦席黃蘆。尋之類六十色。悉令計直。從民願買者。市之以給用。尋改提舉在京市易務爲都提舉市易司。秦鳳兩浙縣州成都廣州鄆州六市易司皆隸焉。

夏五月。詔宗室非祖免親者許應舉。

初試黜其不成文理者。餘令覆試。累覆不中者亦量才擢用。

行保馬法。

王安石建保甲養馬之法。文彥博吳充以爲不便。安石持論益堅。乃詔曾布等上其條約。保甲願養馬者。戶一匹。物力高願養二匹者聽。皆以監牧見馬給之。或官與

其直令自市。先行于開封府及陝西五路。府界無過三千匹。五路無過五千匹。襲逐盜賊外。乘越三百里者有禁。歲一閱其肥瘠。死病者補償。在府界者。免輸糧草。二百五十束。加給以錢布。在五路者。歲免折變緣納錢三等以上。十戶為一保。四等以下。十戶為一社。以待病斃。逋償者。保戶馬死。保戶獨償。社戶馬死。社戶半償。之。其後遂徧行于諸路。

王安石求去位。帝不許。

先是樞密都承旨李評喜論事。帝多從其言。又嘗極言助役不便。安石惡之。會評妄奏罷閤門官吏。安石言其作威福。必欲罪之。帝亦謂評有罪。然未始罪評也。明日安石入見。乞東南一郡。帝曰。自古君臣如卿與朕相知極少。朕鄙鈍。初未有知。自卿在翰林。始聞道德之說。心

神聖勇於求治而闇於知人。其於安石君臣魚水推誠相待。而安石任其堅僻之性。以行其欺詐之情。稍不遂意。非稱疾不朝。即固

辭求去其無驚其之忱亦
至矣而神宗每爲其所愚
留之惟恐不力由彼理財
之說窺測隱微遂墮其術
中而不悟耳

稍開悟。天下事方有緒。卿何去。安石固請。帝曰。卿得非
以李許事。謂朕有疑心。朕自知制誥知卿。屬以天下事。
如呂誨。比卿少正卯。盧杞。朕不爲惑。豈更有人能惑朕
者。未幾。安石復自贛表入請。帝不視。以表授安石。固令
就職。

秋閏七月。以章惇爲湖北察訪使。

時帝思用兵。以威四夷。湖北提點刑獄趙鼎上言。峽州

宋蠻州。非歸
峽之峽州也。峒首刻剝無度。蠻衆願內附。辰州布衣張

翹亦上書言南北江利害。

北江彭氏有州二十。已見前
南江諸蠻。舒氏有州四。日敘

峽中勝元則。田氏有州四。日獎錦懿。見向氏有州
五。日宿龍。保順。天賜。古則。地俱在今辰沅二府界。遂詔

中書檢正官章惇察訪荆湖北路。經制蠻事。

八月王韶擊吐蕃敗之遂城武勝

秦鳳駐泊都監

宋制諸路都監有禁兵駐泊其地者以駐泊寇之

張守約字希

人請名古渭砦為軍以根本隴右韶從之遂建為通遠

軍使王韶知軍事以圖武勝韶引兵築乞神平堡

在渭源縣

南蕃酋穆爾

舊作抹耳今改

結舒克巴

舊作水巴今改

等族入寇韶率

兵度竹牛嶺

在狄道州東

逼之斬首百餘級焚其廬帳洮西

震動會木征渡河來寇穆爾復依其聲勢保集抹那山

在狄道州南

知德順軍

宋置今靜寧州

景思立

晉州人

以涇原兵出南

路分遣諸將一擊穆爾于南甲

在狄道州南

一擊木征于鞏

令城

吐蕃所築在狄道州南

制二酋使不得動韶將大軍從東谷

河名在狄道州東出渭源縣西南流入洮河

徑趨武勝未至數里賊迎戰敗

還。追至其城。首領恰約克。舊作轄。今改。棄城遁。餘衆出降。遂城武勝。建

爲鎮洮軍。旣而木征亦敗于鞏令城。初。韶言措置洮河。只用回易息錢。未

嘗輒費官本。文彥博曰。工師造物。初必小計。冀人易于

動工。及旣興作。知不可已。乃方增多。帝曰。屋壞豈可不

修。王安石曰。主者善計。自有忖度。豈爲工師所欺也。彥

博乃不復言。由是韶進討。敢肆欺誕。朝廷不與計財。

觀文殿學士致仕歐陽修卒。諡文忠。

修旣致仕。樂潁川風土。遂居焉。自號六一居士。初。修以薛居正

所進五代史。開寶中進其一百五十卷。繁猥失實。重加修定。共七十卷。

藏于家。是歲。有詔取其書。而修已卒。詔刊行之。修天資剛勁。見

義勇爲平生獎引。後進如恐不及。賞識之下。率爲聞人。及在政府。士大夫有所干請。輒面諭可否。雖臺諫論事。

亦必以是非詰之。怨誹益衆。自五代以來。文體卑弱。修遊隨州。得唐韓愈遺稿。讀而心慕之。苦心探賸。至忘寢食。遂以文章名冠天下。學者翕然師尊之。

貶唐垌

錢塘人。

爲潮州別駕。

垌以父任得官。

垌父詢判太常寺。進給事中。

嘗上書言。秦二世制于

趙高。乃失之弱。非失之彊。帝悅其言。又言青苗法不行。

宜斬大臣異議如韓琦者數人。王安石尤喜之。薦使對。

賜進士出身。爲崇文校書。安石復令鄧綰舉爲御史。遂

除太子中允。將用爲諫官。安石疑其輕脫。將背已立名。

不除職。以本官同知諫院。非故事也。垌果怒安石易已。

凡奏二十疏。論時事。皆留中不出。垌乃因百官起居日。

扣陛請對。帝令諭以他日。垌伏地不起。遂召升殿。垌至。

御座前。進曰。臣所言皆大臣不法。請對陛下一陳之。

乃搢笏展疏。目安石曰。王安石近御座聽劄子。安石遲。

遲。垧呵曰。陛下前猶敢如此。在外可知。安石竦然而進。垧大聲宣讀。凡六十條。大抵言安石專作威福。曾布表裏擅權。天下但知憚安石。不復知有陛下。文彥博。馮京。知而不敢言。王珪曲事安石。無異厮僕。且讀且目珪。珪慙懼。俯首先降。又言薛向。陳繹。字和叔。開封人。安石頤指氣使。無異家奴。張璪。李定。爲安石爪牙。張商英。字天覺。蜀州新津人。乃安石鷹犬。逆意者。雖賢爲不肖。附已者。雖不肖爲賢。至詆安石爲李林甫。盧杞。帝屢止之。垧慷慨自若。畧不退懼。讀已下殿。再拜而退。侍臣衛士相顧失色。閣門糾其瀆亂朝儀。貶潮州別駕。

頒方田均稅法。

張時泰廣義謂方田均稅

在神宗諸政中猶爲從善
於此所見似是而非不知
五方土性不齊所產亦異
豈能強而同之則壤成賦
止期無悖於什一而止必
欲方量均額令佐履畝周
行農氓已不勝其擾且自
方帳以下多立科條尤爲
煩瑣無當民間未得均賦
之利已受更張之害善爲
政者必不出此也

帝患田賦不均。詔司農重定方田。及均稅法。頒之天下。
方田之法。以東西南北各一千步。當四十一頃六十六
畝。一百六十步爲一方。歲以九月。縣委令佐。分地計量。
隨陂原平澤而定其地。因赤淤黑廬而辨其色。方量畢。
以地及色參定肥瘠而分五等。以定其稅則。至明年三
月畢。揭以示民。均稅之法。縣各以其租額稅數爲限。舊
嘗收蹙竒零。如米不及十合而收爲升。絹不滿十分而
收爲寸之類。今不得用其數。均攤增展。致溢舊額。凡越
額增數皆禁。若瘠鹵不毛。及衆所食利。山林陂塘溝路
墳墓。皆不立稅。凡方田之角。立土爲峯。植其野之所宜
木。以封表之。有方帳。有莊帳。有甲帳。有戶帖。其分烟析

產典賣割移官給契縣置簿皆以今所方之田爲正令
既具乃以鉅野縣尉王晏爲指教官先自京東路行之
諸路倣焉

九月少華山崩

山在今同州府華州東南與太華峯勢相連而稍低故名少華雍大記少華山有峯

曰阜頭卽宋熙寧五年崩處其崩山遺址名半截山

其下地裂陷民居數百戶

冬十月置熙河路以王韶爲經畧安撫使

置熙河路領熙河洮岷州及通遠軍

注俱見前

升鎮洮軍爲

熙州以韶爲經畧安撫使兼知熙州然河洮岷三州猶

未復也

十一月章惇招降梅山峒蠻置安化縣

今縣屬長沙府梅山在其西南與寶

惇在荆湖三月餘卽能招

撫柯山峒蠻尋復平南江
州峒其才畧亦有足取若
僅任以馳驅禦侮未嘗不
可稍收成效及延至輔弼
則貽譏覆餗蓋才有餘而
德不足性復陰險叵測所
謂小人可小知而不可大
受者也

慶府新化縣接界在新化者曰
上梅山在安化者曰下梅山

梅山峒蠻蘇氏舊不通中國其地東接潭南接邵西接
辰北接鼎澧章惇招降之籍其民萬四千八百餘戶其
田二十六萬四百餘畝均定其稅使歲一輸築武陽開
峽二城在安化新化二縣界置安化縣隸邵州

癸丑六年春二月王韶克河州

獲木征妻子

以沈起

字興宗明州鄞縣人

知桂州

自王安石用事始求邊功知邕州蕭注喜言兵美王韶
等獲高位乃上疏言交趾雖奉朝貢實包禍心失今不
取必為後憂會交人為占城所敗或言其餘衆不滿萬

日食推測可知然自屬天
變敬謹修政可也避殿減
膳乃至一月得毋沽名過
甚至以陰雲不見爲德所
感而君臣相賀益可鄙矣

取之易。詔卽以注知桂州經畧之。注入朝。帝問攻取之
策。注復以爲難。度支判官沈起言。南交小醜。無不可取
之理。乃以起代注。起受旨于安石。遂一意事攻擾交趾。
始貳。

夏四月甲戌朔日食。

先是。司天奏四月朔日當食。帝自三月卽避殿減膳。降
天下罪囚一等。至是。雲陰日不見。王安石等進賀。以爲
聖德所感。乞御殿復膳。從之。

文彥博罷。

彥博久居樞密。以王安石多變舊典。言于帝曰。朝廷行
事務合人心。宜兼采衆論。以靜重爲先。陛下勵精求治。

EAST ASIAN LIBRARY
UNIVERSITY OF TORONTO LIBRARY

和州府志卷之十一

卷之十一

三

而人心未安。蓋更張之過也。祖宗法未必皆不可行。但有偏而不舉之弊爾。安石知爲已發。奮然排之曰。求去民害。何爲不可。若萬事隳脞。乃西晉之風。何益于治。及市易司立。至果實亦官監賣。彥博以爲損國體。斂民怨。致華嶽山崩。爲帝極言之。安石曰。華山之變。殆天意爲小人發。市易之起。自爲細民久困。以抑兼并爾。于官何利焉。彥博求去益力。遂爲司空。河東節度使判河陽。徙大名府。身雖在外。而帝眷有加。

置律學

詔士之莅官。以法從事。今所習非所學。宜置律學。令官舉人皆得入學習律令。

神宗恤調大之壞產而不顧河決之占地租于小民忽于大計謂惠而不知為政安石持議濬河意非不善乃以費少利倍為辭絕不計及民生利病則垂立言之體矣至鐵爪木杷諸法入皆知不可用安石必主其說而力行之蓋好奇而懷不恤人言孟子所謂小有才未聞君子之大道而已向陳世倌曾以混江龍之法入告欲以疏雲梯關以下黃河之淤知其不可故不用也

以范子淵提舉濬河司

河溢北京夏津

唐縣今屬東昌府

帝語執政聞京東調夫修河

有壞產者且河決不過占一河之地或西或東利害無

所校聽其所趨如何王安石曰北流不塞占公私田至

多又水散漫久復澱塞昨修二股費至少而公私田皆

出向之瀉鹵俱為沃壤庸非利乎况調夫已減于去歲

若復葺理隄防則夫愈減矣帝從之

先是有選人李公義者獻鐵龍爪揚

泥車法以濬河其法用鐵為爪形繫舟尾乘流相繼而下一再過水深數尺宜它黃懷信以為可用而患其太

輕安石請令懷信公義同議增損乃別置濬川杷其法以巨木長八尺齒長一尺列于水下如杷狀以石壓之

兩傍繫大船各用滑車絞之撓蕩泥沙或謂水深則杷不及底淺則齒礙泥沙人皆知不可用惟安石善其法

乃賞懷信而命公義官以杷法下大名令子淵與通判知縣共試之皆言不可用會子淵以事至京師安石問

其故。子淵意附會。遽曰。法誠善。乃置濬河司。將自衛州第同官議不合。爾安石大悅。乃置濬河司。將自衛州濬至海口。差子淵為都大提舉。公義為之屬。

六月。置軍器監。

王雱言。今天下甲冑弓弩以千萬計。而無一堅利者。莫若更置其法。斂數州之所作。而聚以為一。若今錢鹽之比。擇知工事之臣。使典其職。且募良工為匠師。帝頗采雱說。置軍器監。總內外軍器之政。以呂惠卿判監事。

知南康軍周敦頤。

字茂叔。道州營道人。卒。

敦頤初因舅鄭向。

字公明。開封陳留人。

任為分寧。

唐縣。今南昌府寧州是。

主簿。

有獄久不決。敦頤至。一訊立辯。邑人驚曰。老吏不如也。調南安。今江西南安府。司理有囚法當不死。轉運使

王達欲深治之。敦頤力與辯。達不聽。敦頤委手板。將棄

官去。曰。如此尚可仕乎。殺人以媚人。吾不爲也。達悟。囚

得釋。調桂陽。

宋置。屬郴州。

令。改知南昌。富家大姓黠吏惡少。

惴惴畏法。且又以汙穢善政爲恥。歷知南康軍。年五十

七而卒。敦頤博學力行。著太極圖。易通。明天理之根源。

究萬物之終始。言約而道大。文質而義精。得孔孟之本

原。大有功于學者。爲南安司理時。通判程珦

羽之孫。

以其

爲學知道。使二子顥。頤往受業。敦頤每令尋孔顏樂處。

所樂何事。顥嘗曰。自再見周茂叔後。吟風弄月以歸。有

吾與點也之意。旣至南康。卽築室于蓮花峯。

廬山之峯。在今九江。

府德化縣。

下有溪合于湓江。

卽湓浦。注見前。

取營道

漢縣。明省。故城在今永州。

EAST ASIAN LIBRARY
UNIVERSITY OF TORONTO LIBRARY

前漢書卷之二十一

三

府道所居濂溪在今道州西南流入瀟水以名之學者稱為濂溪先生

生

大蝗

秋九月初策武舉之士

凡武舉試義策于秘閣武藝于殿前司及殿試則又試

騎射及策于廷策武藝俱優為右班殿直武藝次優為

三班奉直又次借職末等三班差役初樞密院修武舉法不能答策者答

兵書墨義王安石曰武舉而試墨義何異學究誦書不曉理者無補于事先王收勇力之士皆屬于車右者欲

以備禦侮之用則記誦何所施

吐蕃本征復入河州王韶破走之遂取岷宕即唐宕州古宕昌也注見

前吐蕃洮疊即唐疊州後沒吐蕃故城在今鞏昌府洮州廳四城帝御殿受賀

韶既復河州。會降羌叛回軍擊之。木征以其間據河州。

韶進破和諾克。

舊作訶諾。今改。

密藏。

舊作木藏。今改。

城。二城皆土蕃所置。和諾克城在

河州。南宋改名定羌。

穿露骨山。

在今河州西南。接洮州番界。石如骨露。故名。又

四時積雪。

南入洮州境。道隘。釋馬徒行。或日至六七。木亦曰雪山。

征留其黨守河州。自將尾官軍。韶力戰破走之。河州復

平。岷山首領木令征以城降。韶入之。于是宕。洮。疊。三州

羌酋皆以城附。韶軍行五十四日。涉千八百里。得州五。

斬首數千級。獲牛羊馬以萬計。捷至。帝御紫宸殿受賀。

解所服玉帶賜王安石。進韶左諫議大夫。端明殿學士。

收免行錢。

先是京師百物有行。官司所須。俱以責辦。下逮貧民浮

販類有賠折。呂嘉問請約諸行利入厚薄。令納錢以賦吏祿。與免行戶祇應。而禁中賣買百貨。並下雜買場務。仍置市司估物低昂。凡內外官司欲占物價。則取辦焉。至是行之。

冬十月。開直河。

時河北流閉已久。水或橫決散漫。常虞壅遏。外都水監丞王令圖獻議。于大名第四第五埽等處。開修直河。使

大河還二股故道。

時河流潰溢。已不循二股初行之道。故欲開直河以復之。考此卽後回河

之議所由始。

王安石主其議。言于帝曰。開直河則水勢分。其

不可開者。以近河每開數尺。卽見水。不容施功爾。今第見水。卽以濬川杷濬之。苟置數千杷。則諸河淺澱皆非

所忠歲可省開濬之費幾百千萬帝曰果爾甚善乃命
開直河使范子淵節其事

章惇擊南江蠻平之置沅州

今為府屬湖南

湖北蠻向永晤舒光銀各以其地降惇獨田氏有元猛
者頗桀驁惇進兵破懿州

五季馬氏置後為田氏所據

南江州峒悉

平遂置沅州以懿州新城為治所後誠徽州

五季蠻峒有誠徽州

楊氏居之誠州即今靖州屬之綏寧縣蠻酋楊光富亦率其族姓

二十三州皆歸附因置誠州後改靖州

考靖州崇寧二年始改續綱目

類敘于此而于崇寧二年又復載之事屬重複今刪後條而并載于此又誠徽州續綱目誤作城徽州今改正

行折二錢

自王安石為政始罷銅禁姦民日銷錢為器邊關海舶

不復議錢之出國錢曰耗張方平因對極論其害請詰問王安石舉累朝令典一旦削而除之其意安在安石深惡之至是行折二錢除在京及府界外諸路並通行

甲寅

七年春正月熊本

字伯通鄱陽人討瀘夷

瀘州夷也降之

先是瀘夷叛詔以本為梓夔察訪使得以便宜措置諸

夷事本嘗通判戎州

注見前

習夷中俗及至部以夷人擾

邊皆介村豪為鄉導乃以計致百餘人梟之瀘川

隋縣

治元省入州

其徒股栗願矢死自贖獨柯陰

本唐縣屬羈縻晏州後為蠻所

據地在今瀘州江安縣西南

一酋不至本率軍進討柯陰窘迫乞降

本受之盡籍丁口土田及其重寶善馬歸之公上受貢

職于是清井

在敘州府長寧縣北泉有二所一鹹一淡取以前鹽宋初為清江夷所居後置監于

此。長寧。

唐羈縻州。後沒于蠻。宋以夷人獻地。建爲軍。明改縣。今屬敘州府。

烏蠻羅氏鬼

主。

宋史瀘夷傳。烏蠻王得蓋居姚州。授刺史。得蓋死。諸其子竊號羅氏鬼主。姚州。宋羈縻州。屬瀘州。

夷皆願世爲漢官。本還。帝勞之曰。卿不傷財。不害民。一

旦去百年之患。至于檄奏詳明。近時鮮儷。擢集賢殿修

撰。賜三品服。西南用兵自此始。

二月。知河州景思立。與吐蕃別將戰于踏白城。

在河州西北。敗

死。三月。木征寇岷州。刺史高遵裕擊走之。

木征雖屢敗。而董戡別將青伊克結。

舊作青宜結。

果莊。舊作鬼章。

今改。之衆。復數擾河州屬蕃。時王韶入朝。思立與戰于踏

白城。敗死。木征勢復熾。遂寇岷州。遵裕遣包順擊走之。

遼使人來議疆事。遣太常少卿劉忱報之。

韓琦請遣使諭意守舊境以修前好如彼自敗盟則一振威而復故疆據宿憤所論切中事理惟請罷將官之類以釋可疑之形非惟跡涉張皇且因敵國生釁自撤邊防亦非籌邊長算至謂植柳西山築城河北為釁端所由更不免過

遼以河東路沿邊增修戍壘起鋪舍侵入蔚應朔三州界內使林牙遼官名蕭禧來言乞行毀撤別立界至禧歸帝面諭以三州地界俟遣官與北朝官即境上議之遂詔忱如遼遼遣樞密副使蕭素會忱于代州境上詔下樞密院議且手詔判相州韓琦司空富弼判河南府文彥博判永興軍曾公亮條代北事宜以聞琦言臣觀舉事似不以大敵為血彼見形生疑必謂我有復燕之意故引先發制人之說造為釁端所以致疑其事有七招高麗朝貢一也取吐蕃之地建熙河二也植榆柳于西山以制蕃騎三也糊保甲四也築河北城池五也置都作院頒弓矢新式六也置河北三十七將七也契丹素為敵國因事起疑不得不然臣嘗竊計始為陛下謀者必曰治國之本當先聚財積穀募兵于農則可以鞭箠四夷故散青苗錢為免役法置市易務次第取錢新制日下更改無常而監司督責以刻為明今農怨于畝畝商歎于道路長吏不安其職陛下不盡知也夫欲攘

存畏怯。昔在西夏威勢素著。何亦為此委靡之見耶。

斥四夷以興太平。而先使邦本困搖。衆心離。此則爲
陛下始謀者大誤也。臣今爲陛下計。宜遣報使。言向
來興作乃修備之常。疆土素定。悉如舊境。不可言此造
端以隳累世之好。可疑之形。如將官之類。因而罷去。益
養民愛力。選賢任能。使天下悅服。邊備日充。若其果自
敗盟。則可一振威。恢復故疆。摠累朝之宿憤矣。臣言博
公亮亦皆有言。大抵度上
以虜爲憂。故深指時事云。

大旱。詔求直言。夏四月。權罷新法雨。

自去秋七月不雨。至夏四月。帝憂形于色。欲盡罷法度
之不善者。王安石曰。水旱常數。堯湯所不免。但當修人
事以應之。帝曰。朕所以恐懼者。正爲人事之未修爾。今
取免行錢太重。人情咨怨。自近臣以至后族。無不言其
害者。馮京曰。臣亦聞之。安石曰。士大夫不逞者。以京爲
歸。故京獨聞此言。臣未之聞也。翰林學士韓維言。陛下

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽
卷之二十一

項膳避殿乃舉行故事恐不足以應變當痛自責已廣

求直言帝即命維草詔行之初光州司法參軍鄭俠字介

夫福州福清人以秩滿入京俠先為安石所獎拔感其知己思欲盡忠及入京安石問以所聞俠

曰青苗免役保甲市易數事與邊鄙用兵在俠心不能無區區也安石不答久之監安上門

會歲饑征斂苛急東北流民每風沙霾噎扶攜塞道羸

疾愁苦身無完衣或茹木實草根至身被鎖械而負瓦

揭木賣以償官累累不絕俠乃繪所見為圖并疏陳時

政之失詣閣門不納遂假稱密急發馬遞上之銀臺司

且云陛下觀臣之圖行臣之言十日不雨即乞斬臣宣

德門外以正欺君之罪疏奏帝反覆觀圖長吁數四袖

以入內是夕寢不能寐翌日遂命開封府放免行錢三

神宗一見流民圖卽長呼
不感蘇軾曰盡罷新法以
蘇民困雖平時未能常庶
如傷而臨事之志切惻隱
亦庶乎知愛民者追懼聲
上騰澍雨立應益當堅其
誠求誠感之念乃惑於小
人邪說已除之弊政不久
旋復且於繪圖之鄭俠摘
瑕置獄是神宗之爲德不
卒固能擇而不能守而王
呂輩之飾說蔽聰實罪不

司察市易司農發常平倉三衛具熙河所用兵諸路上
民物流散之故青苗免役權息追呼方田保甲並罷凡
十有八事民間譁呼相賀是日果大雨遠近沾洽
下監安上門鄭俠獄復行新法

輔臣入賀雨帝示以俠所進圖狀且責之皆再拜安石
上章求去外間始知所行之由羣姦切齒遂以俠付御
史治其擅發馬遞罪呂惠卿鄧綰言于帝曰陛下數年
忘寢與食成此美政天下方被其賜一旦用狂夫之言
罷廢殆盡豈不惜哉相與環泣于帝前于是新法一切
如故惟方田黜罷

吐蕃本征圍河州王韶擊降之

EAST ASIAN LIBRARY
UNIVERSITY OF TORONTO LIBRARY

谷誅矣

往其代通鑑輯覽 卷之七十七

本征圍河州其勢甚盛。詔自京師還至興平。注見前聞之。

乃與李憲宦者祥符人日夜馳至熙州。熙方城守。詔命撤之。

選兵得二萬人。諸將欲趨河州。詔曰。賊所以圍城者。恃

有外援也。攻其所恃。則圍自解。乃直趨定羌城。注見前破

西蕃。結河川族。斷夏國通路。進臨寧河。宋砦以吐蕃香子城置在今河

州分命偏將入南山。本征知援絕。拔柵去。詔還熙州。以

兵循西山。繞踏白城後。焚賊八十帳。斬首七千餘級。本

征窮蹙。率酋長八十餘人詣軍門乞降。詔受之。送本征

赴京師。初。思立之覆師也。羌勢復熾。朝議欲棄熙河。帝

爲之昨食。數下詔戒詔持重勿出。及是。帝大喜。以本征

爲營州團練使。賜姓名趙思忠。

王安石免。以韓絳同平章事。呂惠卿參知政事。

安石執政六年。更法度。開邊疆。老成正士廢黜殆盡。僞

慧少年起擢用事。天下怨之。而帝倚任益專。太皇太后

嘗乘間語帝曰。祖宗法度。不宜輕改。吾聞民間甚苦青

苗助役。宜罷之。帝曰。此以利民。非苦之也。后又曰。安石

誠有才學。然怨之者益衆。欲保全之。不若暫出之于外。

帝曰。羣臣惟安石爲國家當事。

時帝弟岐王顥在側。因進曰。太后之言。至言也。

不可不思。帝怒曰。是我敗壞天下邪。汝自爲之。顥泣曰。何至是邪。皆不樂而罷。

岐王顥字仲明。英宗第二子。

久之。太后流涕謂帝曰。安石亂天下。奈何。帝始疑之。及

鄭俠疏進。安石不自安。遂求去位。帝再四勉留。安石請

益堅。乃以觀文殿大學士知江寧府。呂惠卿使其黨變

惠卿投匭請置茶稅知神
宗方續用安石眷注未真
欲藉是以正其援引且所
行新法又皆其一方贊成
故甘受護法善神之譏耳
後此得志執政可以害安
石者無所不用其智小人
勢盡交疎相傾相軋情態
實可憤鄙不獨當國殃民
貽千古唾罵已也

徐氏名通鑑卷之二十一

姓名曰投匭留之安石感其意因乞韓絳代已而惠卿
佐之帝從其請二人守安石成規不少失時號絳為傳
法沙門惠卿為護法善神惠卿懼中外
有議新法者乃作書遍遣監司郡守使陳利害又從容
白帝下詔言終不以吏違法之故為之廢法故安石所
建無所更改

初權蜀茶

王韶建開河湟之策遣三司幹當公事李杞入蜀經畫
買茶于秦鳳熙河博馬貿易也以著作佐郎蒲宗閔同領
其事初蜀之茶園皆民兩稅地不植五穀惟宜種茶賦
稅一列折輸稅額總三十萬杞乃即蜀諸州勘設
官場更嚴私交易之令知彭州呂陶言市易司籠制百
貨歲出息錢不過十之二今茶場司盡權民茶取息十
之三茶戶被害不可勝窮詔止
取息十之一而陶遂以是得罪

五月罷制利

自孔文仲對策忤王安石意。因言于帝曰。進士試策。則是制科。何必復置是邪。帝然之。呂惠卿執政。復言制舉止于記誦。非義理之學。遂詔罷之。

三司使曾布提舉市易司。呂嘉問免。

先是。呂嘉問提舉市易。連以羨課受賞。帝聞其擾民。以語王安石。安石對曰。嘉問奉法在公。以是媒怨。帝曰。免行錢所收細瑣。市易鬻及果實冰炭。太傷國體。安石力辯。至譏帝爲叢脞。不知帝王大畧。帝曰。卽如是。士大夫何故以爲不便。安石請言者姓名。令嘉問條析。時市易隸三司。嘉問恃勢陵使薛向。出其上。及曾布代向。懷不能平。會帝出手札詢布。布訪于魏繼宗。具上嘉問多收。

息于賞。挾官府而爲兼并之事。帝將委布考之。安石言
二人有私忿。于是詔布與惠卿同治。惠卿故憾布。脇繼
宗使誣布。繼宗不從。布言惠卿不可共事。帝欲聽之。安
石不可。帝遂詔中書曰。朝廷設市易。本爲平準以便民。
若周官泉府者。今顧使中人之家。失業若此。吾民安得
泰然也。宜釐定其制。布見帝言。臣每聞德音。欲以王
道治天下。今市易之爲虐。駸駸乎間架除陌之事矣。如
此之政。書于簡牘。不獨唐虞三代所無。歷觀秦漢以來。
衰亂之世。恐未之有也。嘉問又請販鹽鬻帛。豈不貽笑
四方。帝頷之。事未決。安石去位。嘉問持之以泣。安石勞
之曰。吾已薦惠卿矣。及惠卿執政。遂治前獄。劾布沮新

法出知饒州。嘉問亦出知常州。以章惇為三司使。

六月。作渾儀浮漏成。

時日官皆市井傭販。法象圖器俱不能知。乃以太常丞

沈括。字存中。錢塘人。提舉司天監。括博學洽聞。于天文。方志。律

歷醫藥。卜算無所不通。皆有論著。乃上渾儀浮漏景表

三議。詔從其說。令更造至渾儀浮漏成。以括為右正言。

宋史天文志。括渾儀之制。在外者曰體。其次曰象。在內者曰機。衡體之為器。為圓規者四。其規之別。一曰經。經之規二。二曰緯。緯之規一。三曰絃。絃之規一。象之為器。為圓規者四。其規之別。一曰機。機之規二。二曰赤道。赤道之規一。三曰黃道。黃道之規一。機衡之為器。為圓規二。機可以左右衡。可以低昂。浮漏之制。為播水之壺三。曰求壺。復壺。廢壺。受水之壺一。曰建壺。求壺進水。達于復壺。復壺之脇。為枝渠。以為水節。枝渠廢水。注于廢壺。三壺皆所以播水為水制也。自復壺之介。以玉權。醞于建壺。建壺所以受水為刻者也。考天文志所載甚繁。

不能備錄。今畧節其槩作注。又考天文志。括議止言四壺。而括本傳。乃作五壺。續綱目因之。及考括筆談云。熙寧中。更造渾儀。創爲玉壺浮漏。銅表。皆置天文院。據此則五壺當是玉壺之訛。今依柯維騏宋史新編。削五壺二字。而以筆談所載。附注于此。

秋。七月。立手實法。

時免役出錢或未均。呂惠卿用其弟曲陽注見前縣尉和

卿計。創手實法。其法官爲定立物價。使民各以田畝。屋

宅。資貨畜產。隨價自占。凡居錢五。當蕃息之錢一。非用

器食粟。而輒隱落者。許告。有實。以三分之一充賞。預具

式示民。令依式爲狀。縣受而籍之。以其價列定高下。分

爲五等。旣該見一縣之民物產錢數。乃參會通縣役錢

本額。而定所當輸錢。詔從其言。于是民家尺椽寸土。檢

書出諸法已極。頭實錢斂之術至手實法行。則搜括無遺。閭閻益瘡痍遍體矣。惠卿固習安石之智者。及其持籌握算。復變不加厲。以顯其伎倆。殆猶其父殺人子且行劫者乎。

括無遺至于鷄豚亦徧抄之民不聊生。初惠卿雖制是法然猶災傷五分以上不預荆湖察訪使蒲宗孟上言此天下之良法使民自供初無所擾何待豐歲願詔有司勿以豐凶弛張其法從之民于是益困矣。

蒲宗孟字傳正閬州新井人。

九月三司火

焚屋千八十楹案牘殆盡詔諸路熙寧五年文帳悉封土防其因火為姦也。

冬十月置三司會計司

初帝嘗患增置官司費財王安石謂增置官司所以省費帝曰古者什一而稅今取財百端安石謂古非特什一而已安石又欲盡祿天下之吏帝未之許而三司上新增吏祿歲至緡錢百十一萬有奇主新法者皆謂吏剝民財以增吏祿欲使人

作一而稅方冊可徵而謂古非特什一足知聚斂之臣必恃覆邦之利口遂巧說以亂經而無所忌憚至剝民財以增吏祿欲使人

知自重可以省刑尤為謬
見不思量之所由病民
者以其貪得無厭也即加
之祿其貪猶是落其既犯
而繩之以法庶幾懲一儆
百乃豫竭萬姓之膏以充
百司之囊荷異異猛虎之
噬人而先剝肉以咬之乎

金源肇起東方與本朝滿
洲之地同一疆域如完顏
為金國族至今隸我旗籍
而今之傳察氏即金蒲察
聘育此其明證也間考史

卷之十一

祿既厚則人知自重不敢冒法可以省刑然良吏實寡
賕取如故往往陷重辟議者不以為善詔三司帳司會
計是歲天下財用出入之數以聞令宰相提舉其事至
是韓絳請選官置司以天下戶口八丁稅賦場物坑冶
河渡房園之類租額年課及一路錢穀出入之數去其
重複歲比較增虧廢置及羨餘橫費計贏闕之處使有
無相通而以任職能否為黜陟則國計大綱可以省察
三司使章惇亦以為言乃詔置三司會計司以絳提舉
遼女真部節度使烏古朮

舊作烏古廼今改後仿此卒

烏古朮之先曰函普自高麗來居完顏部

金史世紀函普來完顏年

已六十餘部人有賢女亦年六凡六傳而至烏古朮稍
十而未嫁乃納之生二子一女

卅載金語與今國語類
多胎合第音譯傳訛遂至
岐舛而元人所著金國語
解一篇又多臆度失真如
勃極烈卽今貝勒爲管理
衆人之稱乃解爲猶漢云
冢宰附會無當至猛安音
近今明安明安干也與干
夫長相協謀克之爲百夫
長義實難通或卽今語穆
昆謂族長之轉猶可比合
若以按出虎爲金與國語
愛新迥不相類而金國語
解復有金曰按春之文則
又與今耳墜語同亦與金
無涉不知何以譌謬若此
蓋金朝所製直突小字
未經流傳中外而又未經

役屬諸部會五國

城名在今寧古塔東北。遼時自此而東。凡五國故名。

富爾赫

舊作

蒲鼎

部節度使巴延瑪勒

舊作拔乙

叛遼。遼將致討。烏

古鼎襲而擒之。獻于遼主。遼主召見。燕賜加等。以爲生

女真部節度使。始有官屬。紀綱漸立。然不肯受印。繫遼

籍。其部內舊無鐵。隣國有以甲冑往粥者。以厚價售之。

得鐵既多。因以修弓矢。備器械。兵勢稍振。前後願附者

衆。至是五國穆延

舊作沒撚。今改。

部舍音

舊作謝野。今改。

復叛遼。烏古

鼎伐之。舍音敗走。烏古鼎將見遼。將自陳敗舍音之功。

行次拉林

舊作來流。今改。

水

金史地理志。上京會寧府有拉林河。金會寧府。今寧古塔地。

疾而卒。

後金追贈景祖。

子合理博

舊作勃里休。金源事。今改。後仿此。始見此。

乙卯 八年春正月。竄鄭俠于英州。罷參知政事馮京。放秘閣

校理王安國

字平甫。安石之弟。于田里。

俠上疏論呂惠卿朋黨壅蔽仍取唐魏徵姚崇宋璟李

林甫盧杞傳為兩軸題曰正直君子邪曲小人事業圖

迹在位之臣與之暗合者各以其類復為書獻之且薦

馮京可相并言禁中有人披甲登殿詬罵等事惠卿奏

為訕謗令中丞鄧綰知制誥鄧潤甫

字溫伯江西北建昌人

治之遂

編管俠于汀州京在政府嘗與惠卿爭辯而王安石弟

安國素與俠善侍御史張瑛承惠卿旨劾京與俠交通

有迹時俠已行惠卿遂令奉禮郎舒亶

字信道明州慈谿人

往捕

過于陳州搜其篋得所錄名臣諫疏

先是御史臺吏楊忠信謁俠曰御史

緘默不言而君上書不已是言責在監門而臺中無人也取懷中名臣諫疏二帙授俠曰以為正人助及是遂

譯以漢字其後裔式微遂無從考證不及我朝國書審音辨字之精詳足為同文準的耳夫各國各有其語各有其字我滿洲與蒙古一字一音即盡其二字一音之義從無一音而有兩字以至數字惟漢字則一意有多至數字者于是以漢字譯清字者得以意為愛憎每取惡字以示貶貶不但于異國異字用之即于同一漢文頗有用是為抑揚者矣此蒼頡造字所以有鬼夜哭之語也然漢自漢而清自清以漢譯清原非本文庸何傷乎若求其音之正則必當用今

之三合音字庶幾不失本來而三合音字非人所共識也茲因批閱通鑑竊覽愚金史成于漢人之手于音韻既未諳習且復任情毀譽動輒以魏字肆其詆訾如烏珠之必書以元木之類不可枚舉而其弊或就為勃極烈或訛為孛堇實奇鄙笑我國家中外一統治洽同文不忍金朝之人名官族為庸陋者流傳所誤因命廷臣悉按國語改正其舊名仍注于下以資參考使讀史者心目豁然不為前人謬妄所惑特于初見處發其大凡如此

搜得有言新法事及親朋書尺悉按姓名治之獄成惠卿欲致俠以死帝曰俠所言非為身也忠誠亦可嘉豈宜深罪但徙英州京罷政出知亳州安國奪秘閣校理放歸田里初安國任西京國子教授秩滿至京師帝以安石故特召對問曰漢文帝何如主安國對曰三代之後未有也帝曰但恨其才不能立法更制耳安國對曰文帝自代來入未央宮定變故俄頃呼吸間恐無才者不能至用賈誼言待羣臣有節專務以德化民海內興于禮義幾致刑措則文帝加有才一等矣帝曰王猛佐苻堅以叢爾國而令必行今朕以天下之大不能使人何也曰猛教堅以峻刑法殺人致秦祚不長今刻薄小人必有以是誤陛下者願專以堯舜三代為法則下豈有不從者乎帝又問卿兄秉政外論謂何安國對曰恨知人不明聚斂太急爾帝不悅由是止授崇文院校書尋改秘閣校理安國屢以新法之弊力諫安石又嘗以佞人目惠卿故惠卿銜而逐之

二月復以王安石同平章事

初呂惠卿迎合安石。建立新法。安石故力援引。驟至執政。惠卿既得志。忌安石復用。遂欲逆閉其途。凡可以害安石者。無所不用其智。安石聞而怨之。時韓絳顯處中書。事多稽留不決。且數與惠卿爭論。度不能制。密請帝復用安石。帝從之。安石承命。卽倍道而進。七日至汴京。三月。遼人復來議疆事。遣知制誥沈括報之。

劉忱等與蕭素會于大黃平。在代州境。三議不能決。遼人初

指蔚朔應三州分水嶺土壠爲界。及忱與之行視。無土壠。乃但云以分水嶺爲界。凡山皆有分水。遼人意至時。可以罔取也。相持久之。至是。遼主復遣蕭禧來致國書。以忱等遷延爲言。乃命韓縝代忱等。與遼使議。縝與禧

爭辯。或至夜分。禧執分水嶺之說不變。留館不肯歸。曰。

必得請而後反。第不得已。先遣知制誥沈括報聘。括詣

樞密院。閱故牘。得頃歲所議疆地書。指古長城為分界。

今所爭乃黃崑山。在代州崞縣西南。接寧武府界。相遠三十餘里。表論

之。帝曰。大臣殊不究本末。幾誤國事。乃賜括白金千兩。

使行。括至遼。遼相楊遵勗。考遼史。楊遵勗字益誠。范陽人。太康初。拜南府宰相。不言

以字行。而宋史沈括傳。則書字曰。與議。不能屈。謾曰。數

塊丹相。楊益戒。今依遼史改書名。里之地不忍。而輕絕好乎。括曰。師直為壯。曲為老。今北

朝棄先君之大信。以威用其民。非我朝之不利也。凡六

會。竟不可奪。乃還。括在道。圖其山川險易。迂直風俗。淳龐人情。向背。為使契丹圖上之。

夏閏四月。陳升之罷。

升之深狡多數。善傳會以取富貴。初附安石。及拜相。卽求解條例司。世以是議之。號爲筌相。

六月。王安石上三經新義。詔頒于學官。

先是。置經義局。訓釋詩書周禮三經。以王安石提舉。呂

惠卿。王雱。同修撰。帝欲召程顥與其事。安石不可。至是書成。上之。帝謂

安石曰。今談經者人人殊。何以一道德。卿所著經。其以

頒行。使學者歸一。遂頒于學官。號曰三經新義。加安石

左僕射。呂惠卿給事中。王雱龍圖閣直學士。雱辭新命。

惠卿勸帝許之。由是王呂之怨益深。新義既頒。一時學者無敢不傳習。主

司純用。以取上先緒傳注。一切廢而不用。又黜春秋之書。不列學官。至詆上爲斷爛朝報。安石又以字學久不

講。後罷居金陵。作字說二十四卷。以進。多穿鑿附會。其流入于佛老云。

司徒侍中魏公韓琦卒。諡忠獻。

琦卒前一夕。大星隕州治。櫪馬皆驚。帝自為碑文。載琦大節。篆其首曰。兩朝顧命。定策元勲。贈尚書令。後追封

魏王。

史臣曰。琦相三朝。立二帝。當治平危疑之際。兩宮幾成嫌隙。琦處之裕如。卒安社稷。歐陽修稱其臨大事決大義。垂紳正笏。不動聲色。措天下于泰山之安。可謂社稷之臣。豈不信哉。

秋七月。太白晝見。

詔韓縝如河東。割地以畀遼。

沈括力爭地界。其言侃侃。鑿鑿不減富弼安石輕於割地。謾以欲取姑與為詞。試思爾時邊備日弛。其勢已難復振。所謂欲取者安。

遼使爭議疆事不決。帝問于王安石。安石勸帝曰。將欲取之。必姑與之。于是詔于分水嶺為界。禧乃去。至是遣天章閣待制韓縝如河東。割新疆與之。凡東西失地七

在而所失則已多矣苟安
目前而不知遠計乃宋室
君臣通病至於強詞奪理
則安石老奸長技也

御批歷代通鑑輯覽

卷之二十一

十一

百里遂爲異日興兵之端。

八月庚寅朔日食。

韓絳免。

絳與王安石議事不合以疾求去出知許州而三司會

計司亦罷。

絳臨事果敢故韓琦以爲有公輔器而薦用之特以素黨安石爲清議所少

冬十月呂惠卿有罪免。

御史蔡承禧論惠卿姦惡惠卿居家俟命中丞鄧綰亦

欲彌縫前附惠卿之迹以媚安石安石子雱復深憾惠

卿遂諷綰發惠卿兄弟彊借秀州華亭

唐縣今爲江南松江府治富

民錢五百萬與知華亭縣張若濟買田共爲姦利事置

獄鞫之惠卿竟罷出知陳州綰又論三司使章惇協濟

惠卿之姦出知湖州。

彗星見詔求直言罷手實法。

彗出軫帝以災異數見避殿減膳詔求直言赦天下詢政事之未協于民者王安石率同列上疏言晉武帝五年彗出軫十年又有孛而其在位二十八年與乙巳占所期不合。考晉書天文志武帝泰始四年彗星見軫占曰為兵喪非五年又十年有星孛于軫占曰天下兵起是歲為甲午非乙巳且武帝在位三十六年非二十八年蓋天道遠先王雖有官占而所信者人事而已裨竈言火而驗欲禳之國為不聽鄭亦不火。見左傳事具前有如裨竈未免妄誕况今星工哉竊聞兩宮以此為憂望以臣等所言力行開慰帝曰聞民間殊苦新法安石對曰祁寒暑雨民猶怨咨此無

安石遇惡所謂天變不足
畏祖宗不足法人言不足
恤三言盡之至神宗強起
復出專取上所不喜之人
驟加進用以示權勢蓋惡
益明日張膽矣無將之誅
尚可道乎

庸恤帝曰豈若并祁寒暑雨之怨亦無邪安石不悅退
而屬疾臥帝慰勉起之其黨謀曰今不取上素所不喜
者暴進用之則權輕將有窺人間隙者安石是其策帝
喜其出凡所進用悉從之鄧綰言凡民養生之具日用
而家有之今欲盡令疏實則家有告訐之憂人懷隱匿
之慮商賈通殖貨利交易有無或春有之而夏已蕩析
或秋貯之而冬已散亡公家簿書何由拘錄其勢安得
不犯徒使鬻訟者趨賞報怨畏怯者守死忍困而已詔
罷手實法

十一月交趾大舉入寇陷欽廉州注俱見前
初廣西屯北兵二十指揮以備邊交人畏之會沈起坐

邊議罷。以知處州隋置。今為府。屬浙江。劉彝代之。彝至奏罷北兵。

而用槍仗手分戍。聽偏校言。以為安南可取。乃大治戈

船。交人來互市。率皆遏絕。表疏上訴。亦不得達。至是遂

分三道入寇。一自廣府。一自欽州。一自崑崙關。連陷欽

廉二州。殺土丁八千人。事聞。起坐貶。安置郢州。而除彝

名。明年正月。交人圍邕州。知州事蘇緘悉力拒守。外援

不至。及城陷。死之。緘命其家三十六人。皆先死。藏尸於

人降者。交人盡屠之。凡五萬八千餘口。事聞。詔贈緘奉國節度使。諡忠勇。

熊本擊渝州獠。即古板楮。蠻。注見前。降之。置南平軍。

渝州南川。本蠻地。唐為縣。宋廢。復置。分縣屬重慶府。獠木斗叛。詔本安撫之。

本進營銅佛垠。在南川縣南。地有金銅佛像二。相傳為唐明皇所儔。破其眾。木斗

舉秦州

當作秦州。唐置。宋為羈縻州。後改為榮懿等砦。地在今重慶府綦江縣南。接貴州遵義府界。

地五百里來歸。為四砦九堡。建銅佛。填為南平軍。召本

還知制誥。

本欲取媚王安石。因上疏曰。天下之治。有因有革。期于趨時適治而已。陛下出大號。發大

政。可謂極因革之理。然改治之始。安常習故之羣。交譴合議。或諍于廷。或謗于市。或投劾引去者。不可勝數。陛下下燭見至理。獨立不奪。今雖少定。彼將伺隙而逞。願陛下深念之。勿使彼有以窺其間。而終萬世難就之業。天下幸甚。

遼主洪基殺其后蕭氏。

蕭氏姿容冠絕。工詩善談論。好音樂。立為后。生太子濬。

時北院樞密使耶律伊遜專政。勢傾一國。忌后明敏。于

是宮婢單登等。誣后與伶官趙惟一私通。伊遜以聞。詔

伊遜劾狀。遂誅惟一。后賜自盡。歸其尸于家。後追諡宣懿。

鹽法所以利民食通商自勝于在官然日用所需固當聽民自便豈可預定貧富多少之差至私販不行則商裕而民無淡食之慮若官鹽經宿即同私鹽則厲民甚矣為此計者果具何肺腸耶

十二月以元絳字厚之錢塘人參知政事曾孝寬字寬簽書樞密院事

絳在翰林詔事王安石而安石嘗德曾公亮之助已欲引公亮子孝寬于政地以報之由是二人同升

更定解池鹽鈔法

自薛向立鹽鈔本其後多虛鈔而鹽益輕至是多言官賣不便乞通商王安石主提舉張景溫之言至課民賣官鹽隨貧富作業為多少之差買賣私鹽聽人告以犯人家財給之買官鹽食不盡留經宿者同私鹽法于是民間騷怨鹽鈔舊法每席六緡至是三緡有餘商不入粟邊儲失備

徐壯歷仁道銀轉覽

卷之七十七

五

御批歷代通鑑輯覽卷之七十八

宋

神宗皇帝

丙辰熙寧九年春正月下溪州降遂城之。續綱目作章惇招降五溪蠻遂城下

溪州考宋史神宗紀熙寧九年正月下溪州刺史彭師晏降章惇傳不載其事蠻夷傳師晏為下溪州刺史章惇經制南北江湖北提刑李平招降師晏不言惇使再考惇傳惇自察訪使召還為三司使尋以鄧綰論出知湖州事在熙寧八年十月是下溪州降時惇並不在其地安得云惇招降五溪乎續綱目敘事不實多類此今改輯

先是下溪州彭師晏襲州事。師晏兄師綵殺其父仕尋義師晏殺之事具前

進為刺史會章惇經制南北江湖北提刑李平招納師

晏誓下州。注見前峒蠻各以其地歸版籍至是師晏遂降

下溪為誓主招納其詔築下溪州城賜名會溪戍以兵

隸辰州。出租賦同漢民。師晏詣闕。授禮賓副使。于是五

溪。注見前。皆平。

二月。以郭達為安南招討使。

欽廉既陷。得交人露布。言中國作青苗助役之法。窮困

生民。今出兵欲相拯濟。王安石見之。恚怒。自草勅。勝詆

之。以天章閣待制趙鼎為招討使。宦者嘉州防禦使李

憲為副。將兵討之。憲久在西北邊。好論兵。王韶之開熙河。憲與有勞。故用之。既而高

與憲議事不合。帝因問鼎。孰可代憲。鼎言達老于邊事。

願以為使。而已副之。帝從其言。仍詔占城。注見前。占臘。即真

臘國。在占城南。合擊交趾。

秋七月。御史中丞鄧綰有罪免。

安石奸狀敗露始為神宗所憎厭惡貫已盈鄧綰慮其去而失勢上書為乞恩澤小人醜態畢現不復知有羞恥安石聲言當黜蓋自揣恩遇已衰藉此表其公正仍出於自固計非由衷之論也綰既以此貶斥而安石亦不久罷免心勞日拙作偽果何益哉

呂惠卿既出知陳州張若濟獄事具前久不成王雱令門

下客呂嘉問練亨甫氏族畧練氏見姓死建安多此姓共取鄧綰所列

惠卿事雜他書下制獄王安石不知也省吏告惠卿于

陳惠卿以狀聞且訟安石盡棄所學隆尚縱橫之末數

方命矯令罔上要君帝以狀示安石安石謝無有歸以

問雱雱言其情安石咎之雱忿患疽發背死帝頗厭安

石所為綰慮安石去失勢乃上書言宜錄安石子及婿

仍賜第京師帝以語安石安石曰綰為國司直而為宰

臣乞恩澤極傷國體當黜之帝以綰操心頗僻賦性姦

回論事薦人不循分守斥知虢州

八月罷粥祠廟

司農粥祠廟于民。應天府闕伯

高辛氏之子。

微子

具見前。

廟

在歸德府商邱之顛。微子廟在歸德府城內。一名象賢祠。

皆在粥中。判官劉摯歎

曰。一至于此。往見判府張方平曰。獨不能為朝廷言之

邪。方平矍然。託摯為奏曰。闕伯遷商邱。主祀炎火。

闕伯為陶

唐氏火正。居商邱。祀大火。見左傳。

為國家盛德所乘。微子宋始封之君。

開國此地。亦本朝受命建號所因。又有雙廟。

今日協忠廟。在歸德

府治西。

乃唐張巡許遠孤城死賊

事具前。

能捍大患。今若令

承買。小人規利。冗褻瀆慢。何所不為。歲收微細。實損國

體。乞留此三廟。以慰邦人崇奉之意。疏上。帝震怒。批牘

尾曰。慢神辱國。無甚于斯。于是天下祠廟。皆得罷粥。

冬十月。王安石免。以吳充。王珪。同平章事。馮京知樞密院

事

安石之再相也。屢謝病求去。及子雱死。尤悲傷不堪。力請解機務。帝益厭之。乃以使相判江寧府。尋改集禧觀使。安石既退處金陵。往往寫福建子三字。蓋深悔爲呂惠卿所誤也。充子安持。雖娶安石女。而充心不善安石所爲。數爲帝言新法不便。帝察充中立無與。及安石免。遂相之。充欲有所變革。乞召司馬光。呂公著。韓維。蘇頌。及薦孫覺。李常。程顥等數十人。光自洛遺書充曰。自新法之行。中外洶洶。民困于煩苛。迫于誅斂。愁怨流離。轉死溝壑。日夜引領冀朝廷覺悟。一變敝法。今日救天下之急。當罷青苗。免役。保甲。市易。而息征伐之謀。欲去此五者。必先別利害。開言路。以悟人主之心。今病雖已深。猶未至膏肓。失今不治。遂爲痼疾矣。充不能明。呂惠卿告安石罪。發其私書。有無使上知。

及勿令齊年知之語。京與安石同年生。故云。帝以安石為欺而賢京。故召用之。

十二月。郭逵敗交趾兵于富良江。

一名瀾江。在今安南國治北。其上流即雲南之

瀾滄江。由普洱府流逕安南境。會白鶴歸化等江。逶迤以達于海。

李乾德降。

逵次長沙。先遣將復邕廉。而自將西征。至富良江。蠻以

精兵乘船逆戰。官軍不能濟。趙尚分遣將吏伐木治攻

具。機石如雨。蠻船皆壞。因設伏擊之。斬首數千。殺其偽

太子洪真。李乾德懼。遣使奉表。詣軍門納款。時官兵入

萬人。冒暑涉瘴地。死者過半。富良江去其國不遠。遠不

敢渡。得其廣源州。

注見前。

門州。思浪州。蘇茂州。枕榔縣。

地俱

在今安南國界。而還。羣臣稱賀。詔以廣源為順州。赦乾德罪。治

劉燹沈起開釁之罪。安置隨秀州。已而李乾德遣使來貢表求所失州縣。詔不許。乾德尋歸所掠民。乃以順州賜之。其後定交趾界。復還其六縣二州。

詔宦者李憲節度秦鳳熙河諸軍。

董戢將果莊先寇五牟谷。

在鞏昌府洮州廳北。

復聚兵洮岷。賜新

附羌多叛歸之。帝遣內侍押班李憲乘驛往秦鳳熙河。

措置邊事。詔諸將皆受節制。御史彭汝礪

字器資。鄱陽人。等極

論其不可。且言果莊之患小。用憲之患大。憲功不成其

患小。功成其患大。章再上不聽。

丁巳十年春二月王韶免。

韶與王安石有隙。且以勤兵遠畧歸曲朝廷。帝亦不悅。

數以母老乞歸。乃出知洪州。

韶鑿空開邊。驟躋政地。然用兵有機畧。臨出師。召諸

王韶將畧尚優故每戰克捷至矢石及帳而鼾睡自如或其指揮已定藉此以

EAST ASIAN LIBRARY
UNIVERSITY OF TORONTO LIBRARY

示鎮靜因不致有意外虞
耳若漫無設施賊至而高
卧不起其去束手就斃幾
何

御批歷代通鑑輯覽 卷之七十一

將授以指不復更問每戰必捷嘗夜卧帳中前部遇敵
矢石已及呼聲振山谷侍者股栗而韶鼻息自如人服
其量。

秋七月河大決于澶州。此黃河南北
分流之始。

自開直河水勢增漲田廬益壞至是大決于澶州曹村。

在今開州西南。北流斷絕河道南徙東匯于梁山張澤灤。在兗州府

壽張縣東南梁山山下。即古鉅野澤下流汶濟二水會而
成灤宋時決河匯入其中綿亘數百里後大河南徙歲

久填淤遂分為二派一合南清河。即古泗水。入于淮。一
成平陸。注見前。

合北清河。即古濟水。今自東平州北出曰鹽河。流逕濟
南府曰大清河。又合小清河。濟之南源也。古

謂之灤水。又東北至武定府之利津縣入于海。凡灌郡縣四十五而灤

齊耶徐尤甚壞田逾三十萬頃遣使修閉。判大名府文
彥博言臣前

奏河勢變移漫流四散若不預為經制必溢魏博恩瀋
之境而都水漫無施設但希省費之賞未嘗增修堤岸

今者果大決溢。此非天災。實人力不至也。考續明年綱目。載文彥博奏。採節不明。今依河渠志改輯。

決口塞。詔改曹村埽曰靈平。

九月。河南邵雍卒。

雍天性高邁。迥出千古。而以夷溫厚不見圭角。時新法行。吏牽迫不可為。或投劾去。雍門生故友居州縣者。或貽書訪之。雍曰。此賢者所當盡力之時。新法固嚴。能寬一分。則民受一分之賜矣。投劾何益邪。程顥嘗與議論終日。退而嘆曰。堯夫內聖外王之學也。雍知慮絕人。遇事能前知。程顥嘗曰。其心虛明。自能知之。富弼司馬光。呂公著。雅敬雍。雍名所居曰安樂窩。時遊城中。乘小車。一人挽之。士大夫識其車音。爭相迎候。或信宿乃去。好事者別作室。以待其至。謂之行窩。安樂窩在洛陽縣天津橋南。卒。顥為墓銘。稱其學純一不雜。汪洋浩大。就其所至而

論之可謂安且成矣

所著皇極經世觀物內外篇漁樵問答傳于世元祐中賜諡康節

冬十一月遼魏王耶律伊遜殺其君之子濬

濬幼好學善騎射既立為太子兼北南院樞密使時耶

律伊遜擅政構害宣懿皇后而立其黨蕭薩滿

舊作霞抹今改

之妹為后遂欲害濬會護衛蕭和爾郭

字阿斯里斯按和爾郭舊作

忽古阿斯里斯舊作知伊遜姦狀伏橋下欲殺之適暴雨

橋壞所謀不遂乃下獄濬亦以母故有憂色副點檢蕭

實沙

穆爾古納部人蕭實沙舊作蕭十謂伊遜曰臣民

心屬太子一旦若立吾輩措身何地伊遜然之乃陰令

護衛耶律扎拉

舊作查刺今改

誣告都宮使耶律薩喇

字董隱南院大

王穆哩庫之孫薩喇舊作撒刺穆哩庫舊作磨魯古今並改

及和爾郭等謀廢立按

驗無狀而罷。既而伊遜復令蕭額圖緝國舅少父房之後舊作訛都幹

今等誣首扎拉前告非妄。遼主命伊遜、張孝傑建州永霸縣人

孝傑續綱目作耶律。今依遼史改。等鞫治薩喇等誣伏。皆殺之。而幽濬

于別室。濬具陳枉狀。屬耶律延格字善寧。時為北面林牙。舊作燕哥。今改。

辨之。延格伊遜黨也。易其言為款伏。遼主廢濬為庶人。

徙于上京。伊遜遣其私人蕭達囉克舊作達魯。今改。等夜引

力士殺之。許云。疾薨。遼主命有司葬龍門山。在今宣化府赤城縣北。既

而伊遜復陰遣人殺濬妃蕭氏。遼主後知其冤。悔恨無及。追諡濬曰昭懷太子。

同知太常禮院張載卒

載自崇文歸。終日危坐一室。左右編簡。俯而讀。仰而思。

有得則識之。或中夜起坐。取燭以書。其志道精思。未嘗

EAST ASIAN LIBRARY
UNIVERSITY OF TORONTO LIBRARY
130 St. George Street
Toronto, Canada M5S 1A5

行狀卷之十一

須臾息也。與諸生講學。每告以知禮成性。變化氣質之道。學必如聖人而後已。以爲知人而不知天。求爲賢人而不求爲聖人。此秦漢以來。學者大弊也。故其學以易爲宗。以中庸爲體。以孔孟爲法。黜怪妄。辨鬼神。其家婚喪葬祭。率用先王之意。而傳以今禮。又論定井田學校之法。皆欲條理成書。使可舉而措諸事業。呂大防薦之。召同知太常禮院。以疾歸而卒。世稱橫渠先生。所著正蒙。西銘等書。行于世。

戊午元豐元年春。閏正月。曾孝寬罷。以孫固字和父。鄭州管城人。同知樞密院事。

初。固與王安石議新法不合。出知真定。至是。帝思其先

見召用之。

夏六月癸卯朔日食。

秋九月以呂公著薛向同知樞密院事。

帝臨御日久羣臣憚上威嚴莫敢進規公著在翰林每

因事獻納帝深敬之故有是命。

帝嘗以釋老之事語公著公著問曰堯舜知此

道乎帝曰堯舜豈不知公著曰堯舜雖知此而惟以知人安民爲難所以爲堯舜也帝默然。

向幹局

絕人尤善商財計算無遺策然不能不病民王安石方

尚功利從中主之故益得展奮由文俗吏得大用

議復肉刑。

帝初卽位韓絳曾布建議復肉刑至是復召輔臣議呂公著曰後世禮教未備而刑獄繁肉刑不可復將有踊

貴屨賤之譏。王珪欲取死。囚試剗削之。公著曰。不可。削而不死。則此法遂行矣。議遂寢。

冬十二月。復置大理獄。

帝以國初廢大理獄。非是。又開封囚猥多。乃命復置。

己未。二年春二月。召程顥判武學。既而罷之。

顥自知扶溝縣。注見前。召判武學。命下數日。李定。何正臣。

字君表。新淦人。劾其學術迂濶。趨向僻異。且新法之初。首爲異

論。復罷之。呂公著上疏言。方朝廷修改法度之初。凡在

朝野。孰無議論。陛下兼包。豈悉記錄。而小人賊害。指目

未已。如顥者。陛下早自知之。其立身行己。素有本末。昔

在言路。時有論列。皆辭意忠厚。不失臣子之體。兼所除

武學亦未爲仕宦要津。而小人斷斷必以爲不可者。直欲深梗正路。其所措意。非特一二人而已。疏奏不納。顯竟歸故官。

夏五月。元絳罷。以蔡確

字持正。泉州晉江人。

參知政事。

確善觀人主意。與時上下。以王安石薦。再調監察御史。因爲之用。知帝已厭安石。卽論安石乘馬入宣德門。與衛士競。以賈直。文彥博言。濬川杞非濬河之具。帝遣知制誥熊本行視。以文彥博言爲是。確遂論本附彥博。本坐罷。確因代其職。改外諫院。判司農事。覬欲得臺端。因論中丞鄧潤甫。字溫伯。建昌人。御史上官均。字彥衡。邵武人。按獄失實。潤甫均皆罷。而確得中丞。猶領司農。凡常平免役之法。

蔡確劾罷他人而即居其位以驚賊之性齊其覬覦之私視禦人而奪之貨罪又甚焉確小人之尤固無足深責乃神宗每于其論劾即去其人而以其位授之一之為甚乃至再三不亦憤乎

皆成其手。會太學生虞蕃訟博士受賄。確深探其獄。連

引朝士。自翰林學士許將。字冲元。福州閩人。及元絳子耆寧以

下。皆逮繫。遂劾絳為子有所屬。請出知亳州。確遂代其

位。確自諫院為參知政事。皆以起獄奪人位而居之。士

大夫交口叱罵。而確自以為得計也。吳充數為帝言新

者。確曰。曹參與蕭何有隙。至代為相。一遵何約束。今陛下所自建立。豈容一人挾怨而壞之。法遂不變。絳工于

文辭。而無特操。仕已顯。猶謂遲晚時論鄙之。

秋八月。許二史

左右史。直前奏事。

修起居注王存。

字正仲。潤州丹陽人。

乞復唐貞觀二史之職。執筆

隨宰相入殿。帝是其言。又故事。左右史雖日侍立。而欲

奏事。必稟中書候旨。存與同修起居注王安禮。字和甫。安石弟。

因對及之。乃詔許直前著爲令。

下知湖州蘇軾獄尋貶爲黃州團練副使。

考蘇軾詩集元豐二年八月十

八日赴臺獄有寄弟轍詩十二月二十八日恩責黃州。又有詩月日甚明續綱目因兼書軾貶乃并軾下獄俱係于

十月後非是今改書于八月仍兼書貶而加尋字以別之。

軾自徐徙湖上表以謝又以事不便民者不敢言以詩

託諷庶有益于國中丞李定御史舒亶

字信道明州慈谿人。擿其

語以爲侮慢。因論軾自熙寧以來作爲文章怨謗君父。

交通戚里。

謂駙馬都尉王誨誨字晉卿開封人尚英宗女魏國公主

逮軾赴臺獄詔

定與知諫院張璪御史何正臣舒亶等雜治定等媒蘖

以爲誹謗時事鍛鍊久之且多引名士欲寘之死太皇

太后方違豫聞之謂帝曰嘗憶仁宗以制科得軾兄弟

EAST ASIAN LIBRARY
UNIVERSITY OF TORONTO LIBRARY

喜曰。吾爲子孫得兩宰相。今聞軾以作詩繫獄。得非仇
人中傷之乎。摅至于詩。其過微矣。宜熟察之。帝曰。謹受
教。吳充申救甚力。帝亦憐之。會同修起居注。王安石禮從
容白。帝曰。自古大度之君。不以言語罪人。軾以才自奮。
謂爵祿可立取。顧錄錄如此。其心不能無觖望。今一旦
致于理。恐後世謂陛下不能容才。帝曰。朕固不深譴也。
行爲卿貫之。第去。勿漏言。軾方賈怨于衆。恐言者緣以
害卿也。王珪復舉軾咏檜詩曰。根到九泉無曲處。世間
惟有蟄龍知。以爲不臣。帝曰。彼自咏檜爾。何預朕事。已
而獄具。軾遂得輕比。舒亶又言。駙馬都尉王詵輩。公爲
朋比。如盛僑。周邠。固不足論。若司馬光。張方平。范鎮。陳

襄劉摯皆畧能誦說先王之言。而所懷如此。可置而不誅乎。帝不從。但貶軾黃州團練副使。本州安置。弟轍及王誼皆坐謫貶。張方平。司馬光。范鎮等二十二人俱罰銅。初。鮮于侁為京東轉運使。以王安石。呂惠卿當國。正人不得立朝。嘆曰。吾有薦舉之權。而所列非賢。恥也。遂舉劉摯。李常。蘇軾。蘇轍。劉攽。范祖禹等。及知揚州。會軾自湖赴獄。親朋皆絕與交。道出廣陵。侁往見之。臺吏不許通。或曰。公與軾相知久。其所往來文字書問。宜焚之。勿留。不然。且獲罪。侁曰。欺君負友。吾不忍為。以忠義分譴。則所願也。至是。以舉吏累。謫主管西京御史臺。軾既貶。居黃州三年。帝手札移軾汝州。軾未至。汝上書自言願居常州。許之。至哲宗。卽位。始復軾朝奉郎。知登州。尋召還朝。事在元豐八年。劉攽。字貢父。敞之弟。范祖禹。字淳甫。一字夢得。鎮從孫。

冬十月太皇太后曹氏崩。

帝事太后極誠孝。后亦慈愛天至。

故事。外家男子。毋得入謁。帝以后春秋高。

數請召弟僧入見。久之乃許。及見。少頃。后謂僧曰。帝嘗此非汝所當得留。輒遣出。曹僧字公伯。彬之孫。帝嘗

有意於燕薊。已與大臣定議。乃詣太后白其事。后曰。儲

蓄賜予備乎。鎧杖士卒精乎。帝曰。固已辦之矣。后曰。事

體至大。吉凶悔吝生乎動。得之不過南面受賀而已。萬

一不諧。則生靈所繫。未易以言。苟可取之。太祖太宗收

復久矣。何待今日。帝曰。敢不受教。

庚申三年春正月。遼出耶律伊遜于興中府。注見前。

伊遜又欲害太子濬之子延禧。時年六歲。因言宋魏王和囉

噶。子阿尼雅。興宗第二子。和囉噶。舊作和魯韓。阿尼雅。舊作阿輦。今並改。之子淳。可為儲

嗣。羣臣畏伊遜。莫敢言。北院宣徽使蕭烏納。一名托卜嘉。字特默。遼官名。掌刑獄。舊

作兀納。托卜嘉。舊作撻不。伊勒希巴。遼官名。掌刑獄。舊作夷離畢。今改。

蕭陶海

字烏庫哩。宰相恰特六世孫。陶海舊作陶陶。烏庫哩舊作烏古剌。恰特舊作轄特。並改。

諫曰。舍嫡不立。是以國與人也。遼主未決。會獵于黑山。

方輿紀要在朵顏衛東。朵顏今喀喇沁地。見扈從官屬多隨伊遜後。始惡其

專遂改知南院大王

遼初分塔喇額勒金為北南院大王。額勒金統軍馬大官。舊作迭

刺夷離

董今改。事伊遜入謝。遼王即日出之興中府。其

遂封延禧梁王。為設旗鼓伊呀六人。以護衛之。軍制有伊呀司。此掌旗鼓者也。舊作拽刺。今改。

以章惇參知政事。三月吳充罷。

充有所為。每為王珪蔡確所沮。至是張璪論充與郭達

書止其進兵。故安南無功。

充既遭同列困毀。素病癘。積憂畏疾益侵。遂罷為

西太乙宮使。踰月卒。

充為相。務安靜。心正而力不足。知不可為。而不能勇退。為世所譏。

葬慈聖光獻皇后

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽

卷之十一

夏四月瀘州夷復叛詔邊將討之

初烏蠻有二酋曰晏子箇恕熊本既平柯陰

事具前

并招

納之晏子尋死箇恕授知歸來州

即柯陰廢縣改置

其子乞弟

授蕃部巡檢會羅苟夷叛犯納溪

宋縣今屬瀘州

詔涇原副總

管韓存寶擊之存寶檄乞弟犄角遂平羣蠻兵罷未幾

乞弟帥步騎六千至江安

隋縣今屬瀘州

城下責賞都監王宣

以賄召之且與盟乞弟以為畏已益悖慢至是以眾攻

熟夷宜往救之一軍皆沒朝廷驛召存寶授方畧使統

軍進討存寶怯懦不敢進明年存寶坐逗遛棄市以環

慶副總管林廣

萊州人

代將乞弟請降帝不許督廣進師

廣擊敗乞弟斬首二千級乞弟遁廣帥兵深入叢箐雨

雪決旬。士卒死者不可勝計。窮追過鵝飛不到山。在江安縣

西次歸徕州。竟不得乞第而還。後乞第無所依往來羣蠻間遂死

六月。詔中書詳定官制。

國初承唐制。三省無專職。臺省寺監亦無定員。類以他官主判。三省長官不預朝政。六曹不釐本務。給舍不領本職。諫議無言責。起居不記注。司諫正言非特旨供職。亦不任諫諍。其官人受授之別。有官有職。有差遣。其次有階。有勳。有爵。敘位著職。以待文學之選。差遣以治內外之事。而官但以寓祿秩而已。故仕者皆以臺閣禁從爲顯宦。以差遣要劇爲貴途。而官之遲速。階勳爵邑之有無。皆非所計。議者多以正名爲請。帝慨然欲更其制。

乃置詳定官制局于中書。命翰林學士張璪樞密副承旨張誠一領之。

詔秘書監劉几

字伯壽。溫叟孫。

等定雅樂。

帝自卽位于禮樂之事。未遑制作。至是。詔徵致仕秘書

監劉几議樂。侍郎范鎮參考。几請知禮院楊傑字次公。無爲軍人。

同議。先是。傑言大樂七失。一曰。歌不永言。聲不依永。律不和聲。二曰。八音不諧。

鐘磬闕四清聲。三曰。金石奪倫。四曰。舞不象成。五曰。并樂失部奏。六曰。祭祀享無分樂之序。七曰。鄭聲亂雅。并

上十二均圖。帝以其圖說下鎮。几參定。几言律主于人

聲。不以尺度求合。儒者泥古致詳于形名度數。而不知

清濁輕重之用。故求于器雖合。考于聲則不諧。乃卽舊

樂。仁宗時。李照樂。而增以四清聲。鐘磬十六。十二爲本聲。四爲應聲。本聲重大。應聲輕清。故

曰四清聲。李照下王朴樂二律。朴樂聲高。歌者難逐。故不用凡增之。

二律。則四清聲。且請追考成周分樂之序。凡以周禮大樂正。凡樂。圓

皆用而諧協。鍾為宮。黃鍾為角。太簇為徵。姑洗為羽。圓鍾者。夾鍾也。

今明堂景靈宮降天神之樂。宜以夾鍾為宮。用其均。宮聲為始終。其黃鍾為角。則用黃鍾均。以其角聲為始終。

太簇為徵。則用太簇均。以其徵聲為始終。姑洗為羽。則用姑洗均。以其羽聲為始終。

祭地祇。享宗廟。皆視此均法。辨正二舞。文舞武舞。容節。僕議

同。而鎮欲求一稔二米真黍。以律生尺。改修鍾量。廢四清聲。詔悉從凡。僕議樂成。第加恩賚。鎮謝曰。此劉几樂

也。臣何預焉。復上疏論之。不報。

秋七月。慧出太微垣。注見前。詔羣臣直言闕失。

王安禮應詔上疏曰。人事失于下。變象見于上。陛下有仁民愛物之心。而澤不下究。意者左右大臣。是非好惡。

一指蔽目弗見泰華神宗此語非不明壅障之患者乃知王珪之佞而不能除知妄禮之忠而不能用非惑于壅蔽而何知之非艱行之惟艱神宗之謂矣

三省無專職六曹不釐本務誠非循名責實之道然不過申令各供其事無負設官分職之本意而已空名固無當治理寄祿又何裨實政乎徒事紛更而無適于用且使羣小得逞私

不遵諸道乘權射利者用力殫于溝瘠取利究于園夫足以干陰陽而召星變願察近臣之行杜邪枉之門至于祈禳小數貶損舊章恐非所以應天者帝覽疏嘉嘆諭之日王珪欲使卿條具朕嘗謂不應沮格人言以自壅障今以一指蔽目雖泰華在前弗之見近習蔽其君何以異此卿當益自信遂進翰林學士知開封府

九月定百官寄祿格

官制成下詔行之凡領空名者一切罷去而易之以階雜取唐及宋初舊制自開府儀同三司至將仕郎定為二十四階如領侍中中書令同平章事者易以開府儀同三司領左右僕射者易以特進自是以下遞易有差因以寄祿議者又欲罷樞密院歸兵部帝曰祖宗不以兵柄歸有司故專命官以

意以作奸神宗事而不
知體要六率類此

統之互相維制。何可廢也。遂止。帝嘗謂執政曰。官制有

史大。天曰。非司馬光不可。王珪。蔡確。相顧失色。武憂。亮。不知所出。確曰。上久欲收靈武。公能任責。則相位可保也。珪喜。謝之。因薦俞充。帥慶。使上平西夏策。其意以爲既用兵深入。必不召光。雖召。將不至。已而光果不召。

俞充。字公達。明州鄞人。

以馮京爲樞密使。薛向。孫固。呂公著爲副使。向尋免。

向既在政地。養威持重。同列質以西北事。多默不對。會詔民畜馬。向既奏命。旋知民不便。欲改議。御史舒亶論其反覆。無大臣體。斥知潁州。

冬十一月己丑朔。日食。

辛酉四年春正月。馮京罷。以孫固知樞密院事。呂公著。韓縝同知院事。

京再執政。初與王安石不合。後為呂惠卿所傾。中立不

倚。人服其操。

朱進士自鄉舉至廷試。皆第一者三人。王曾。宋庠。為名宰相。京為名執政。不愧科名

云。

三月。章惇有罪。免。以張璪參知政事。

朱服

字行中。湖州烏程人。

為御史。惇密使客達意于服。為服所白。

惇父俞又彊占民田。民遮訴惇。惇繫之開封府。事併聞。

遂免知蔡州。

夏四月。築河隄。自大名至于瀛州。

先是。河決澶州北。外都水監丞陳祐甫議修禹河故迹。

請先遣使相視。

祐甫以商胡橫隴故道。地勢高平。土性疏惡。皆不可復。復亦不能持久。惟禹故

蹟在。大伾大行之間。地卑而勢固。故秘閣校理李垂與今知深州孫民先皆有修築之議。望召民先。同河北漕

治水之法。貴在因時制宜。禹之行水。行其所無事。師禹者。當師其意而不師其迹。况河流遷徙。不常。宋世洪濬已非復夏后遺河形。

勢必諱諱以復舊壩為
說何異刻舟求劍乎

臣自王供埽按視迄于海口從之至是河復大決于州之小吳埽詔

都水監丞李立之經畫以聞帝謂輔臣曰河之為患久

矣後世以事治水故常有礙夫水之趨下乃其性也如

能順水所向遷徙城邑以避之復有何患已而立之言

河流自乾寧軍至劈地口

在今天津府靜海縣東北

入海宜自北京

至瀛州分立東西堤五十九埽詔從之立之在熙寧初

已主立堤至是竟行其言

胡渭曰自商胡決後二十一年為熙寧二年導東流而北

流閉又十二歲為元豐四年河復北流至紹聖初又閉後元符二年東流斷絕河竟北流

五月夏人幽其主秉常秋七月詔李憲會陝西河東五路

之師討之

知慶州俞充知帝有用兵意屢請西伐又言諜報云夏

將李清。本秦人。說秉常以河南地來歸。秉常母梁氏知之。遂誅清。奪秉常政而幽之。宜興師問罪。此千載一時也。帝然之。遂詔熙河經制李憲等。大舉征夏。召鄜延副總管种諤入對。諤至。大言曰。夏國無人。秉常孺子。往持其臂以來耳。帝壯之。乃決意西伐。方議出師。孫固諫曰。舉兵易。解禍難。不可。帝曰。夏有釁。不取。則爲遼人所有。不可失也。固曰。必不得已。請聲其罪。薄伐之。分裂其地。使其酋長自守。帝笑曰。此真酈生之說爾。時執政有言。便當直渡河。不可留行。固曰。然則孰爲陛下任此者。帝曰。朕已屬李憲。固曰。伐國大事。而使宦者爲之。則士大夫孰肯爲用。帝不悅。他日。固又曰。今五路進師而無大

帥就使成功。兵必為亂。帝諭以無其八。呂公著進曰。問罪之師。當先擇帥。既無其人。曷若已之。固曰。公著言是也。帝不聽。竟命李憲出熙河。种諤出鄜延。高遵裕字公綽出環慶。劉昌祚字子京。真定人。出涇原。王中正宦者。開封人。出河東。分道並進。又詔吐蕃首領董戩集兵會伐。

詔定選格。

太祖設官分職。多襲五代之制。凡入仕。有貢舉。奏蔭。攝署流外。從軍五等。吏部銓。惟注擬州縣官幕職。文臣少卿監以上。中書主之。京朝官則審官院主之。武臣刺史副率以上。內職樞密院主之。使臣則三班院主之。帝自卽位。欲更制度。以王安石議。置審官東西院。事具前。于是

典選之職。分而為四。

文選曰。審官東院。曰流內銓。又詔武選曰。審官西院。曰三班院。

內外官司。舉官悉罷。命廷臣議選格。遂定銓注之法。悉

歸選部。而左右選分焉。

審官東院為尚書左選。流內銓為侍郎左選。審官西院為尚書

右選。三班院為侍郎右選。

舊制。中書有堂選。與百司郡縣奏舉。皆不

隸于有司。王安石在中書。欲罷堂選。曾公亮不可而止。

至是。既罷內外長吏舉官法。堂選亦廢。

九月。李憲復蘭州。

憲總熙秦七軍。及董戩兵三萬。敗夏人于西市新城。

在蘭

州府。皋蘭縣東南。

復襲女遮谷。

在皋蘭縣東。

破之。遂復古蘭州。城之。

請建為帥府。既而种諤克米脂城。

宋砦。今為縣。屬綏德州。

高遵裕

復清遠軍。

注見前。

王中正以河東兵入賓州。

中正率兵至麟州。度無定

河。循水北行。地皆沙濕。土馬多陷沒。糗糧不能繼。又恥無功。遂入于宥州。時夏人棄城走河北。城中遺民百餘。中正遂屠之。掠其牛馬以充食。無定河出榆林府邊外。流逕米脂縣。紱德州。又東南至清澗縣。入黃河。卽古奢延水也。以潰沙急流深淺不定。故名。

冬十一月癸未朔日食。

高遵裕等兵潰。李憲不至靈州而還。

劉昌祚率蕃漢兵五萬。受遵裕節制。令兩路合軍以進。

既入境。而環慶兵不至。昌祚次磨礪隘。在寧夏府靈州南。遇夏

衆十萬。扼險大破之。遂薄靈州城。兵幾入門。遵裕嫉其

功。馳使止之。昌祚披甲不敢進。遵裕至。圍城十八日不

能下。夏人決黃河七級渠。在靈州南。以灌營。復抄絕餉道。士

卒凍溺死。遂潰而還。餘軍纔萬三千而已。夏人躡之。復

敗焉。昌祚亦還涇原。种諤留千人守米脂。而自帥大眾。

進攻銀石。夏州遂破石堡城。在榆林府榆林縣南。進至夏州。駐軍。

索家平。在榆林府懷遠縣故夏州南。會大校劉歸仁以衆潰。而軍食。

又乏。復值大雪。乃引還。死者不可勝計。入塞者僅三萬。

人。王中正自宥州行至柰王井。在廢宥州西。糧盡。士卒死者。

二萬人。亦引還。初。詔憲帥五路兵。直趨興靈。憲總師東。

上營于天都山下。在平涼府固原州西北。焚夏之南牟內殿。并其。

館庫。追襲其統軍新都喇卜丹。舊作仁多。今改。敗之。次于葫。

蘆河。即蔚茹水。注見前。遂班師。時諸路兵皆至靈州。獨憲不至。

戊午。五年春正月。貶高遵裕等官。以李憲爲涇原經畧安撫。

制置使。

初夏人聞朝廷大舉梁氏問策于廷。諸將少者盡請戰。一老將獨曰。但堅壁清野。縱其深入。聚勁兵于靈夏。而遣輕騎抄絕其餽運。可不戰而困也。梁氏從之。師卒無功而還。帝曰。朕始以孫固言爲迂。今悔無及矣。至是討敗師罪。高遵裕責授郢州團練副使。本州安置。种諤王中正。劉昌祚並降官。憲欲以開蘭會。今鞏昌府靖遠縣本唐會州。後沒吐蕃。宋初屬夏。後收復。邀功弭責。孫固曰。兵法後期者斬。况諸路皆至。而憲獨不行。不可赦。帝以憲有功。但令詰其擅還之由。憲以饋餉不接爲辭。釋弗誅。憲復上再舉之策。詔以爲涇原經畧安撫制置使。知蘭州。

夏四月壬子朔日食

御史中丞舒亶有罪免。

亶舉劾多私。氣焰熏灼。見者側目。至是。坐詐爲錄目。奪兩秩勒停。遠近稱快。

以王珪爲尚書左僕射兼門下侍郎。蔡確爲尚書右僕射兼中書侍郎。章惇爲門下侍郎。張璪爲中書侍郎。蒲宗孟爲尚書左丞。王安禮爲尚書右丞。

官制成。改同中書門下平章事爲左右僕射。參知政事爲門下中書侍郎。尚書左右丞。初議官制。蓋倣唐六典事。無大小。並。中書取旨。門下審復。尚書受而行之。三省分班奏事。並歸中書。確說珪曰。公久在相位。必得中書令。珪信不疑。確乃言于帝曰。三省長官位高。不須置令。

尚矣之罪浮于淮蔡廷臣
乃無一人效裴度贊成謀
畫者且謂諸將非有光顏
應比其憚于行師沮撓不
遺餘力宜神宗有不出公
卿而出于闕寺之謂也公
卿既無足與謀轉以闕寺
能盡心而任之國事未有不日壞者明崇禎之亡國
正復坐此然其時之公卿
亦足見無一有人心者矣

但令左右僕射分兼兩省侍郎足矣帝以為然故確名

為次相實顯大政珪以左僕射兼門下拱手而已確既相屢

與羅織之獄縉紳士大夫重足而立富弼在洛上書確確

小人不宜大用帝不從帝嘗語輔臣有無人才之嘆宗

孟率爾對曰人才半為司馬光邪說所壞帝不語直視宗

久之曰蒲宗孟乃不取司馬光邪未論別事只辭樞密宗

一節朕自即位以來唯見此一人他人則雖迫之使去宗

亦不肯矣宗孟慚懼無以為容時李憲乞再舉伐夏帝宗

以訪輔臣王珪對曰向所患者用不足朝廷今捐錢鈔宗

五百萬緡以供軍食有餘矣安禮曰鈔不可噉必變而宗

為錢錢又變為芻粟今距出征之期纔兩月安能集事宗

帝曰李憲以為已有備彼宦者能如是卿等獨無意乎宗

唐平淮蔡唯裴度謀議與上同今乃不出公卿而出于宗

以曾鞏為中書舍人

無以副
聖志也

鞏能文章。爲歐陽修所重。帝深知其才。命充史館修撰。專典史事。至是。命爲中書舍人。時自三省百職事。選授一新。除書日至十數人。人舉其職。鞏所製訓辭。典約而盡。未幾卒。鞏嘗通判越州。徙襄州。洪州。所至皆有聲績。呂公著嘗言于帝曰。鞏爲人行義不如政事。政事不如文章。以是不大用。

呂公著罷。

公著以興兵討西夏。秦晉民大困。數白其害。不從。引疾求去。出知定州。

秋八月。給事中徐禧。

字德占。洪州分寧人。

護兵城永樂。

注見前。

种諤西討。不能如志。知延州沈括欲盡城橫山。

注見前。下

瞰平夏。

注亦見前。

使虜不得絕磧爲寇。諤遂上其策于朝。且

言興功當自銀州始。帝以爲然。遣給事中徐禧內侍李

舜舉

開封人

往。卿延議之。舜舉退。詣執政王珪迎。謂曰。朝

廷以邊事屬押班及李留後。無西顧之憂矣。舜舉曰。四

郊多壘。卿大夫之辱也。相公當國。而以邊事屬二內臣。

可乎。內臣止宜供禁廷灑掃之職耳。豈可當將帥之任。

邪。聞者代珪發慙。禧至。卿延上言。銀州雖據明堂川。在米

脂縣西北。卽古榆谿。今亦謂之西河。源出榆林府邊外。下流入無定河。無定河之會。而故

城東南已爲河水所吞。其西北又阻天塹。謂黃河。不如永

樂之形勢險阨。請先城永樂。永樂依山無水泉。种諤極

言其不可。帝從禧議。乃詔禧護諸將往城之。而命括移

府並塞。總兵爲援。陝西轉運判官李稷主饋餉。禧以諤

不鼓不成列米襄已誤于前徐禧不鑒覆車之轍轉引以為証思莫甚焉然其率為此語非特輕妄寡謀或惡其謀非已出耳後又不聽曲珍半濟之計以致喪敗禧雖死有餘罪矣

各書歷代通鑑輯覽 卷之二十一
跋扈奏留諤守延州自率諸將往築十四日而成賜名銀川砦禧等退還米脂以兵萬人屬曲珍字君玉隴阡人守之九月夏人陷永樂徐禧等敗死

禧等既城去九日夏人以數千騎來攻曲珍使報禧禧遂與李舜舉李稷往援之沈括守米脂比抵永樂夏人傾國而至大將高永能字君舉青澗人請及其未陳擊之禧曰

爾何知王師不鼓不成列執刀自率士卒拒戰夏人益衆進薄城下珍兵陳于水際將士皆有懼色珍自禧曰今衆心已搖不可戰戰必敗請收兵入城禧曰君爲大將奈何遇敵先自退邪乃以七萬人陳于城下夏人縱鐵騎渡河珍曰此鐵鷁子軍也當其半濟擊之乃可以

逞得地則其鋒不可當也。禧不從。鐵騎既濟。震蕩衝突。大衆繼之。珍銳卒敗。奔還。蹂後陳。夏人乘之。珍衆大潰。珍收餘衆入城。夏人圍之。厚數里。且據其水砦。珍士卒晝夜血戰。城中乏水。已數日。掘井不及泉。渴死者十六七。括與李憲援兵及饋餉。皆爲夏人所隔。不得前。种諤怨禧。不遣救師。城中大急。會夜半大雨。夏人環城急攻。城遂陷。禧奔舉。穆永能皆爲亂兵所害。惟珍裸跣走免。將校死者數百人。喪士卒役夫二十餘萬。夏人耀兵米脂城下而還。自熙寧以來用兵。得夏葭蘆。注見前。吳堡。宋金爲縣。義合。本夏人砦。宋收復。故城在今綏德州東。米脂。浮圖塞門。注俱見前。六城。而靈州永樂之役。官軍孰羌義堡死者六十萬人。

錢穀銀絹。不可勝計。事聞。帝臨朝痛悼。爲之不食。贈禧等官。而貶括爲均州團練副使。隨州安置。降珍爲皇城使。自靈武之敗。秦晉困棘。天下企望息兵。而括諤進攻。取之策。禧素以邊事自任。狂謀輕敵。遂致覆敗。自是帝始知邊臣不可倚信。深自悔咎。無意于西伐。而夏人亦困弊矣。初。帝之遣禧也。王安禮諫曰。禧志大才疎。必誤國事。帝不聽。及敗。帝曰。安禮每勸朕勿用兵。少置獄。蓋爲是也。

癸亥六年春二月。夏人寇蘭州。貶李憲爲熙河都總管。

夏人數十萬圍蘭州。已奪兩關門。鈐轄王文郁。字周卿。麟州新

秦人。夜集死士七百餘人。縋城擊走之。未幾。夏人復分道

入寇。亦多爲諸路所敗。中丞劉摯言。熙河經畧使李憲貪功生事。一出欺罔。避興靈會師之期。頓兵以城蘭州。遺患至今。詔貶憲爲熙河安撫經畧都總管。

夏四月。遼大雪。

平地丈餘。馬死者十六七。

閏六月。夏人復來修貢。

夏人亦弊于兵。西南都統茂錫克額木齊。

舊作昂星鬼名濟。今改。

移書示涇原劉昌祚。乞通好如初。昌祚以聞。帝諭昌祚

答之。及入寇屢敗。國用益竭。乃遣默爾根密克滿奇雅

舊作謨箇咩

來上表。帝許之。

復詔陝西河東經畧司。其

迷乞遇。今改。里。夏之歲賜悉如其舊。未幾。

新復城砦。徵循毋出二三

夏主上書。乞還侵疆。帝不許。

諡文忠。

司徒韓公富弼卒。
弼早有公輔之望。名聞夷狄。遼使每至。必問其出處。安否。臨事周悉。不萬全不發。當其敢言。奮不顧身。忠義之

性老而彌篤。家居一紀。斯須未嘗忘朝廷。及卒。贈太尉。弼遺表畧云。陛下卽位之初。邪臣納說。上誤聰明。浸成禍患。今上自輔臣。下及多士。畏禍圖利。習成敝風。去年永樂之役。兵民死亡者數十萬。今久戍未解。百姓困窮。豈諱過恥敗。不思救禍之時乎。天地至仁。寧與羌夷校勝負。願休兵息民。使關陝之間。稍遂生理。兼陝西再團保甲。州縣奉行。勢侔星火。人情惶駭。不若寢罷。以綏懷之。臣之所陳。急于濟事。若夫要道。則在聖心所存。與所用之人。君子小人之辨爾。

秋八月。蒲宗孟免。以王安禮李清臣

字邦直。魏人。

爲尚書左右

丞

御史論宗孟荒于酒色。及繕治府舍過制。故免。

九月癸卯朔日食。

冬十月。遼耶律伊遜伏誅。

伊遜在興中府。坐以禁物鬻入外國。減死幽于萊州。

當作

來州遠置廢城在
今錦州府寧遠州其黨耶律仁傑削爵為民至是伊遜
復謀出奔及私藏兵甲事覺伏誅

十一月太師文彥博致仕

彥博自河南入朝帝嘉其輔立英宗而不伐其功加兩
鎮節度使將行賜燕瓊林苑兩遣中使遺詩祖道當世

榮之至是請老以太師致仕

彥博之在河南也與富弼等用白居易故事就弼第

置酒相樂尚齒不尚官洛陽多名園古剎諸老鬚眉皓白衣冠甚偉都人常隨觀之已而圖形妙覺僧舍謂之洛陽耆英會司馬光年未六十以狄兼謩故事與焉日居易故事居易在洛稱香山居士與胡杲等九人為尚齒會人繪為九老圖狄兼謩年未七十

十二月戶部獻今歲民數

時天下凡二十三路東南際海西盡巴夔北極三關東

宋時幅員最狹東西或可得六千四百餘里若以南

北計則燕雲十六州並入遼地交趾六詔皆未入版圖所謂北極三關則今之霸州雄縣高陽其南際海則今之瓊州崖州以相距道里計之尚不足萬里安得如史所云一萬一千六百餘里之多蓋當時記載未免特事鋪張不足為徵實也

西六千四百八十五里。南北萬一千六百二十里。天下主客戶一千七百二十一萬一千七百一十三。

甲子七年春正月夏人大舉寇蘭州。

初李憲以夏人數至蘭州河外而翱翔不進意必大舉乃增城守之備至是果大舉入寇步騎號八十萬圍蘭州意在必取督衆急攻矢如雨雹雲梯革洞百道並進凡十晝夜不克糧盡引去尋復寇延州順德軍。

注見前。定

西城。

宋砦廢城在今秦州西北。

及熙河諸砦。

夏五月詔以孟軻配食孔子。

先是判國子監常秩。

字夷甫潁州潁陰人。

請立孟軻揚雄像于廟

庭仍賜爵號又請追尊孔子爲帝下兩制禮官詳議以

荀揚大醇小疵已無當于
人之道况雄臣事新莽
尤為名教罪人乃亦從祀
廟廷何以飭祀典而示臣
儆耶

為非是而止。知鄆州曾孝寬復請加封孟子。乃詔封為
鄒國公。至是復詔孟子與顏子並配孔子。又追封荀况
為蘭陵伯。揚

雄為成都伯。韓愈為
昌黎伯。從祀廟廷。

冬十二月。端明殿學士司馬光上資治通鑑。

初。光約戰國至秦二世。如左氏體。為通志以進。英宗悅。

之。命續其事。就崇文殿開局。許自選官屬。得借龍圖天

章三館秘閣書籍。給御府筆墨繒帛。及御前錢。以供果

餌。以內臣為承受。光遂與劉攽。劉恕。范祖禹。及子康。字

純。編集。史記前後漢屬放。三國迄
隋屬恕。唐及五代屬祖禹。帝即位。賜名資治通

鑑。製序文賜之。會光出知永興軍。以衰病乞閒。乃差判

西京留司御史臺。及提舉崇福宮。前後六任。聽以書局

自隨。光于是徧閱舊史。旁采小說。挾摘幽隱。較計毫釐。上起周威烈王二十三年。下終五代。又畧舉事目。年經國緯。以備檢尋。爲目錄。又參考羣書。評其同異。俾歸一塗。爲考異。合三百五十四卷。歷十九年而成。至是上之。詔以光爲資政殿學士。降詔獎諭。

乙丑

八年春正月。帝有疾。三月。詔立延安郡王傭。

帝第六子。

爲皇

太子。賜名煦。皇太后權同聽政。

帝疾甚。羣臣請立皇太子。及請皇太后高氏權同聽政。許之。三月甲午朔。立傭爲皇太子。賜名煦。先是岐王顥嘉王顥。英宗第四子。日問起居。太后旣垂簾。命二王毋輒入。且陰敕中人梁惟簡妻制十歲兒一黃袍。懷以來。蓋密

中人內侍安得有妻。且十歲兒袍。宮中豈不能製。

家不過欲頌太后撫幼帝之美而不覺其言之過甚可謬矣

為踐阼倉卒備也

初太子之未立也職方員外郎邢恕與蔡確成謀密語太后之姪高公繪

公紀曰上疾不可諱延安幼冲宜早有定論岐嘉皆賢王也公繪驚曰此何言君欲禍吾家邪恕知計不行反宣言太后屬意岐王而與王珪表裏導確約珪入問疾陽鈞致珪語使知開封府蔡京伏劔士于外須珪小持異則執而誅之既而珪言上自有子定議立延安恕益無所施及太子已立猶與確自謂有定策功傳播其語于朝邢恕字和叔鄭州陽武人蔡京字元長興化仙遊人

帝崩太子即位

是為哲宗

赦

太子時年十歲既即位皇太后同聽政

尊皇太后曰太皇太后皇后曰皇太后德妃朱氏曰皇太

妃

帝生母開封人

太皇太后既聽政散遣修京城役夫止造軍器及禁庭工技出近侍尤無狀者戒中外無苛斂寬民間保尸馬

遵裕以失律論免其不直復用人盡知之蔡確杜道求媚不自知其可鄙宜仁不以私恩廢公義實爲達於大體惜僅以正言斥之而未明正其罪使小人知所警惕也

事由中旨。王珪等弗預知也。蔡確思求媚于太后以自固。太后從父高遵裕坐西征失律抵罪。因上言乞復遵裕官。后曰。遵裕靈武之役。塗炭百萬。先帝中夜得報。起環榻而行。徹旦不能寐。自是驚悸。馴致大故。禍由遵裕得免刑誅。幸矣。先帝肉未冷。吾何敢顧私恩而違天下公議乎。確悚慄而退。

罷京城邏卒。及免行錢。廢濬河司。蠲逋賦。

尋詔寬民力。有司或致廢格者。監察御史糾劾之。

司馬光自洛入臨。夏五月。詔求直言。

光居洛十五年。天下以爲真宰相。田夫野老。皆號爲司馬相公。婦人女子。亦知其爲君實也。神宗崩。光欲入臨。

避嫌不敢。時程顥在洛，勸光行，乃從之。衛士見光，皆以手加額曰：「此司馬相公也。」所至民遮道聚觀。馬至不得行。曰：「公無歸洛，留相天子，活百姓。」光懼，亟還。太后遣內侍梁惟簡勞光，問爲政所當先。光請開言路，詔榜朝堂，而大臣有不悅者。設六語云：「若陰有所懷，犯非其分，或扇搖機事之重，或迎合已行之令，上以僥倖希進，下以眩惑流俗。若此者，罰無赦。」后復命示光。光曰：「此非求諫，乃拒諫也。」人臣惟不言，言則入六事矣。乃具論其情，改詔行之。于是上封事者千數。

召程顥爲宗正寺丞，未至卒。

顥嘗曰：「新法之行，乃吾黨激成之。當時自愧不能以誠

感上心遂致今日之禍。豈可獨罪王安石也。至是召爲宗正丞。未行而卒。顥自十五六時與弟頤聞汝南周敦頤論道。遂厭科舉之業。慨然有求道之志。未知其要。泛濫于諸家。出入于老釋者幾十年。返求諸六經而後得之。資性過人。充養有道。純粹之氣。溢于面背。門人交友。從之歲久。未嘗見其忿厲之容。遇事優爲。雖當倉卒。不動聲色。深有意經濟。方召用。遽卒。士大夫識與不識。莫不哀傷焉。文彥博采衆論。題其墓曰明道先生。

王珪卒。

珪以文學見。推流輩。然自執政至宰相。凡十六年。無所建明。率道諛將順。當時目爲三旨相公。以其上殿進呈。

當熙寧新法盛行而珪依附權勢一意從諛以尸祿保位斥遠正人其奸惡視

章惇呂惠卿相去無幾非特臨事漫無可否而已三旨之目猶未足以盡之

云取聖旨上可否訖云領聖旨退諭稟事者云已得聖旨也

以司馬光爲門下侍郎

詔起光知陳州過闕留爲門下侍郎是時天下之民引領拭目以觀新政而議者猶謂三年無改于父之道光曰先帝之法其善者雖百世不可變也若王安石呂惠卿所建爲天下害者改之當如救焚拯溺况太皇太后以母改子非子改父也于是衆議少止

六月賜楚州孝子徐積

字仲車楚州山陽人粟帛

積事親孝旦夕必冠帶定省從胡瑗學所居一室寒一裘暖粟飲水雖瑗遺以食亦不受以父名石至終身不

嘗讀宋史至徐積傳而歎史筆非難史識尤難夫以父名石而不踐石爲孝

則公子地之子當母居而不履地乎且大孝莫如舜不聞其見瞽瞍者輒拜而積乃以不用石器與避不踐石稱豈非累積之大者乎觀其讀孝經輒淚落不止雪夜伏墓側悲慟嘔血乃本於天性之自然彼遇石而怵然傷心雖亦出於至性而作史者於不合經常之行則當從刪向曾爲文以正其失茲特舉示之使天下知史筆非難史識爲難耳

用石器行遇石則避而不踐中年屏居窮里而四方事無不知嘗借人書經夕還之借者給言書中有金葉積賣衣償之不與辯後以近臣薦授楚州教授每升堂訓諸生曰諸生欲爲君子而使勞已之力費已之財如此而不爲君子猶可也不勞已之力不費已之財諸君何不爲君子鄉人賤之父母惡之如此而不爲君子猶可也鄉人榮之父母欲之諸君何不爲君子聞者敬服及卒賜諡節孝

秋七月以呂公著爲尚書左丞

公著知揚州被召侍讀太后遣使問所欲言公著曰先帝本意以寬省民力爲先而建議者以變法侵民爲務

與已異者。一切斥去。故日久而弊愈深。法行而民愈困。誠得中正之士。講求天下之利病。協力而爲之。宜不難矣。既至。拜左丞。

罷保甲法。

先是。司馬光言于太后曰。兵出民間。雖云古法。然古者八百家。纔出甲士三人。步卒七十二人。閒民甚多。三時務農。一時講武。不妨稼穡。自兩司馬以上。皆選賢士。大夫爲之。無侵漁之患。故卒乘輯睦。動則有功。今籍鄉村之民。二丁取一。授以弓弩。教之戰陳。是農民半爲兵也。三四年來。又令三路置都教場。無問四時。每五日一教。一丁在閱。一丁供送。雖云五日。而保正長以泥橈除草。

爲名聚之教場得賂則縱否則留之是三路耕耘收穫稼穡之事幾盡廢也至是復力言其公私勞擾有害無益遂詔罷之

冬十一月復以鮮于侁爲京東轉運使

先是熙寧末侁嘗爲京東轉運使尋知揚州已而吳居

厚

字敦老洪州人

爲副使時方興鹽鐵居厚精心計籠絡鈎稽

收羨息錢數百萬卽萊蕪利國二冶

萊蕪漢縣今屬泰安府縣東南舊有

冶

宋置監于此利國冶在徐州府銅山縣東北宋置監今爲驛

鑄錢以能擢都轉運使

議行河北鹽法搜剔無遺

居厚起州縣凡流徒以言利得進在京東苛刻劇盜王冲

因民怨

聚衆數千欲乘居厚行部至徐篡取投諸鐵冶中居厚聞之遁去

及是爲言者所論

坐貶

貶知廬州尋謫黃州安置

乃復用侁司馬光語人曰以子駿之

賢不宜復使居外。然朝廷欲救東土之弊。非子駿不可。此一路福星也。安得百子駿布在天下乎。旣至。奏罷萊蕪利國兩冶。又奏海鹽依河北通商。民大悅。

葬永裕陵。

在鞏縣西南昭陵西。

史臣曰。神宗孝友謙抑。勵精圖治。將大有爲。未幾王安石入相。以偏見曲學起而乘之。天下洶洶騷動。帝終不覺悟。致祖宗之良法美意。變壞幾盡。由是邪佞日進。人心日離。禍亂日起。惜哉。

罷方田法。

十二月。罷市易法。貶呂嘉問知淮陽軍。

言者交論市易之患。被于天下。本錢無慮千二百萬緡。率二分其息。十有五年之間。子本當數倍。今乃僅足本錢。蓋買物入官。未轉售而先計息取償。至于物貨苦惡。

上下相蒙。虧折日多。空有虛名而已。監察御史韓川請趣罷其法。于是詔罷市易。而削前提舉市易光祿卿呂嘉問三秩。貶知淮陽軍。其黨皆降黜。

罷保馬法。

起居舍人邢恕有罪。貶知隨州。

恕博貫經籍。能文章。從程頤學。司馬光。呂公著。王安石。吳充。皆重之。然天資詭詐。冒進。與蔡確謀立岐王顥。事既不成。會土珪卒。恕與確及章惇。宣言太皇太后及吳充有異議。賴確擁護而止。自以爲功。至是復爲高公繪草奏。乞尊崇朱太妃。爲高氏異日計。太后怒。黜知隨州。

哲宗皇帝

丙寅元祐元年春閏二月蔡確有罪免

右司諫王覲

字明叟秦州如皋人

上疏言國家安危治亂繫于大

臣今執政八人而姦邪居半使一二元老何以行其志

哉因極論蔡確章惇韓縝張璪朋邪害正章數十上會

右諫議大夫孫覺侍御史劉摯左司諫蘇轍御史王巖

叟

字彥霖大名清豐人

朱光庭上官均等連章論確罪且言確在

熙豐時冤獄苛政首尾預其間及至今日稍語于人曰

當時確豈敢言此其意欲固竊名位反歸曲于先帝也

司馬光呂公著進用蠲除煩苛確言皆已所建白于是

公論亦不容太后不忍斥之但罷政出知陳州

以司馬光爲尚書左僕射兼門下侍郎呂公著爲門下侍

郎李清臣呂大防爲尚書左右丞。

時光已得疾而青苗免役將官之法猶在。西戎之議未決。光嘆曰。四害未除。吾死不瞑目矣。折簡與呂公著曰。光以身付醫。以家事付愚子。惟國事未有所托。今以屬公。旣而詔免朝覲。許乘肩輿。三日一入省。光不敢當。曰。不見君。不可以視事。詔令子康扶入對。遼人聞之。敕其邊吏曰。中國相司馬矣。毋輕生事。開邊隙。

以李常爲戶部尚書。

司馬光言。戶部尚書舊三司使之任。其所管財穀事。有散在五曹及寺監者。並歸戶部。詔從之。尋以常爲尚書。或疑其少幹局。慮不勝任。光曰。用常主邦計。則人知朝。

廷不急于征利聚斂少息矣

章惇有罪免以范純仁同知樞密院事

言者論惇讒賊狼戾罔上蔽明不忠之罪與蔡確等惇不自安及確罷論者益力會與司馬光爭辯役法于太后簾前其語甚悖太后怒斥知汝州以安燾字厚卿開封人代惇知樞密院事范純仁同知院事命既下給事中王巖叟侍御史劉摯等交章論燾附惇不當躡遷至封還詔命燾亦力辭乃詔仍同知院事

罷青苗法

復常平舊法累年積蓄錢穀財物盡委提點刑獄交管罷諸州常平新法提舉管勾官

三月罷免役法。

司馬光請悉罷免役錢。諸色役人皆如舊制。其見在役錢撥充州縣常平本錢。于是詔修定役書。侍御史劉摯乞並用祖宗差法。監察御史王巖叟請立諸役相助法。中書舍人蘇軾請行熙寧給田募役法。因列其五利。王巖叟言五利難信。而有十弊。軾議遂格。光復言免役之法。其害有五。乞直降勅罷之。

光曰。上戶舊充役。固有陪備。而得番休。今出錢比舊。

費特多。年年無休息。下戶舊不充役。今例使出錢。舊所差皆土著良民。今皆浮浪之人。悉為姦欺。又農民出錢難于出力。凶年則賣莊田牛具。以錢納官。又提舉司惟務多斂役錢。廣積寬剩。以為功。此五害也。今莫若直降勅命。委縣令佐。揭簿定差。其人不願身自供役。許擇可任者雇代。惟衙前一役最號重難。今仍行差法。陪備既少。當不至破家。若猶矜其力難獨任。即乞如舊于官戶寺觀。单丁。女戶。有屋產莊田者。隨貧富以差出助役錢。

尚慮役人利害。四方不能齊同。乞許監司守令審其可
否。可則承行。如未究盡。縣五日具指畫上之州。州一月
上轉運使以聞。朝廷委執政審定。章惇取光所奏疎畧
隨一路一州各爲之勅務要曲盡。惇取光所奏疎畧
未盡者駁奏之。呂公著言惇專欲求勝。不顧命令大體。
望選差近臣詳定。于是資政殿大學士韓維及范純仁。
呂大防。孫永等詳定以聞。蘇軾言于光曰。差役免役各
有利害。免役之害聚斂于上。而下有錢荒之患。差役之
害民不得力農。而吏胥緣以爲姦。此二害輕重畧等矣。
光曰。于君何如。軾曰。法相因則事易成。事有漸則民不
驚。三代之法。兵農爲一。至秦始分爲二。及唐中葉。盡變
府兵爲長征卒。自是農出穀帛以養兵。兵出性命以衛
農。天下便之。雖聖人復起。不能易也。今免役之法。實大

類此。公欲驟罷免役而行差役。正如罷長征而復民兵。蓋未易也。光不以爲然。軾又陳于政事堂。光色忿然。軾曰。昔韓魏公刺陝西義勇。公爲諫官。爭之甚力。韓公不樂。公亦不顧。軾昔聞公道其詳。豈今日作相。不許軾盡言邪。光謝之。自是役人悉用見數爲額。惟衙前用坊場河渡錢雇募。餘悉定差。仍罷官戶。寺觀單丁。女戶。尋以衙前不皆有雇直。遂改雇募爲招募。純仁謂光曰。差役當熟講緩行。不然。滋爲民病。願虛心以延衆論。不必謀自己出。謀自己出。則諂諛得乘間迎合矣。役議或難回。則可先行一路。以觀其究竟。光不從。持之益堅。純仁曰。是使人不得言爾。若欲媚公以爲容悅。何如少年合

小人必有濟惡之才。當其初起下僚。竭智慮以赴公。自非庸碌者所及。未嘗不可藉以集事。及得志在位。逞其伎倆。肆意以行。奸欺竊威。禍流毒無所底止。非一人而前後易轍也。蓋其如尚受制於人。繼乃獨行。其意同是才力而所用不同。故正人每為其所愚。而不覺光此時之於京。猶前此之於安石也。孔子所以有小知大受之戒。觀人者其亦慎所取哉。

安石以速富貴哉。光深謝之。

初差役之復為期五日。同列病其太迫。即開封府蔡

京獨如約。悉改畿縣雇役。無一違者。詣政事堂。白光。光喜曰。使人人奉法如君。何不可行之有。

范子淵有罪。貶知峽州。

子淵在熙豐間。提舉修堤。開河。糜費巨萬。而功用卒不

成。護隄壓埽之人溺死無算。至是御史呂陶劾其罪。黜

知峽州。

中書舍人蘇軾草制詞有曰。汝以有限之財。興必不可成之役。驅無辜之民。置之必死之地。時

以爲至言。

置訴理所。

許熙寧以來得罪者自言。

夏四月。罷熙河經制財用司。

召程頤為崇政殿說書。

初。願年十八。上書仁宗。欲黜世俗之論。以王道爲心。治平元豐間。大臣屢薦皆不起。至是。司馬光呂公著共疏其行義曰。伏見河南處士程願。力學好古。安貧守節。言必忠信。動遵禮法。年踰五十。不求仕進。真儒者之高蹈。聖世之逸民。望擢以不次。使士類有所矜式。召爲秘書郎。及入對。改崇政殿說書。願上疏言。習與智長。化與心成。陛下春秋方富。雖睿聖得于天資。而輔養之道。不可不至。大率一日之中。接賢士大夫之時多。親寺人宮女之時少。則氣質變化。自然而成。願選名儒入侍。勸講講罷。留之分直。以備訪問。或有不失。隨事獻規。歲月積久。必能養成聖德。願聞帝在宮中。盥而辟蟻。問有是乎。帝曰然。誠恐傷之耳。願曰。推此心以及四海。帝王之要道也。帝嘗憑檻。偶折柳枝。願正色曰。方春時和。萬物發生。不當輕有所折。以傷大地之和。帝領之。

韓縝免

以六藝文為言者王莽也
安石實繼之并流毒百姓
二十餘年光武起而拯之
遂以寧謐安石則禍肇熙
寧訖徽欽猶未艾北狩南
渡皆一人兆其機即謂其
罪浮於莽可也

王安石卒。

御史中丞劉摯殿中侍御史呂陶諫官孫覺蘇轍王覲
朱光庭等連章論續才鄙望輕在先朝奉使割地七百
里以遺契丹。邊人怨之切骨。不可居相位。遂出知潁昌。
今許州。宋日潁昌府。續外事莊重。所至以嚴稱。雖出入將相。而寂
無功烈。厚自奉養。世以比晉何曾。

安石未柄用時。名震京師。不好華腴。自奉至儉。或衣垢
不浣。面垢不洗。世多稱其賢。蘇洵字明允。軾之父。獨曰。是不近
人情者。作辨姦論以刺之。謂王衍盧杞合為一人。性彊
忤。遇事無可否。自信所見。執意不回。方議變法。在廷交
執不可。安石傳經義。出已意。辯論輒數百言。眾不能詘。

甚者謂天變不足畏。祖宗不足法。人言不足恤。以是怨

議紛起。既再罷。終神宗世不復召。凡八年而卒。安石每

變其法。夷然不以爲意。及聞罷助役。愕然失聲曰。亦罷至此乎。良久曰。此法終不可罷。又嘗曰。新法以爲始終

可行者。曾子宣也。始終以爲不可行者。司馬君實也。

朱子曰。安石以文章節行高一世。而尤以道德經濟爲已任。被遇神宗。致位宰相。世方見其有爲。庶幾復見二

帝三王之盛。而安石乃汲汲以財利兵革爲先務。引用凶邪。排擯忠直。躁迫彊戾。使天下之人。翫然喪其樂生

之心。卒之羣姦嗣虐。流毒四海。至于崇宣之際。而禍亂極矣。

以呂公著爲尚書右僕射兼中書侍郎

元豐官制成。三省並建。而中書獨爲取旨之地。尚書門

下受成而已。又執政官率數日一至政事堂。事多決于

其長。同列莫得預。至是公著以爲言。詔自今事干三省

者執政並同取旨而各行之。并命執政官長貳日集議事。遂爲定制。考公著此請續綱目係于公著爲門下侍郎條又不載政事堂日集議事今採宋史公著本傳改輯。

詔起文彥博平章軍國重事。

彥博致仕居洛。司馬光言其宿德元老宜起以自輔。太后將用爲三省長官。言者以爲不可。乃命平章軍國重事。六日一朝。一月兩赴經筵。班宰相上。恩禮甚渥。彥博年八十一矣。

黜內侍李憲等于外。

憲在元豐末年已爲漏網至此追正其喪師之罪猶得提舉官觀宋之刑政姑

中丞劉摯言陛下臨御以來分別邪正而元惡大憝猶有漏網宦者李憲貪功生事漁斂生民膏血興靈之役

意若此紀綱尚在哉

首違師期。乃頓兵城蘭州。遺患今日。王中正將兵二十

萬出河東。逗遛違詔。精兵勁騎。死亡殆盡。宋用臣開封人。神

宗築京城。建尚書省。起太學。立宗廟。導洛通汴。用臣悉領其事。董大功役。侵陵官司。誅

求小民。奪其衣食之路。石得一開封人。領皇城司。縱遣伺

者。飛書朝上。則暮入狴犴。朝士都民。相顧以目者。殆十

年。是四人者。權勢烽焰。張灼中外。幸而先帝神武。足以

鎮壓。不然。其爲禍豈滅漢唐宦者哉。侍御史林旦亦以

爲言。詔並降官。憲中正得一。提舉宮觀。用臣監太平州

稅務

詔舉經明行修之士。

司馬光請立經明行修科。歲委升朝文臣。各舉所知以

勉勵天下。使敦士行。以示不專取文學之意。若所舉人
違犯名教。必坐舉主毋赦。則自不敢妄舉。而士之居鄉
居家者。惟懼玷闕外聞。不待學官日訓月察。立賞告訐。
而士行自美矣。于是詔自今凡遇科舉。令升朝官各舉
經明行修之士一人。俟登第日。用以升甲。

五月。以韓維爲門下侍郎。
神宗崩。維自提舉嵩山崇福宮入臨。太后手詔勞問。維
對曰。人情貧則思富。苦則思樂。困則思息。鬱則思通。誠
能常以利民爲本。則民富。常以憂民爲心。則民樂。賦役
非人力所堪者去之。則勞困息。法禁非人情所便者蠲
之。則鬱塞通。推此而廣之。盡誠而行之。則子孫觀陛下

之德。不待教而成矣。未幾。起知陳州。召爲資政殿大學士兼侍讀。至是。拜門下侍郎。

命程頤等修定學制。

太學自蔡確起大獄。連引朝士。有司緣此造爲法禁。煩苛疑密。博士諸生。禁不相見。教諭無所施。御史中丞劉摯以爲言。至是。命程頤等修定條制。頤大槩以爲學校禮義相先之地。而月使之爭。殊非教養之道。請改試爲課。有所未至。則學官召而教之。更不考定高下。置尊賢堂以延天下道德之士。鐫解額以去利誘。省煩文以專委任。勵行檢以厚風教。及置待賓吏師齋。立觀光法。如是者亦數可條。

六月放鄧綰李定于滁州。

呂惠卿有罪。建州安置。

惠卿見正人彙進。知不容于時。懇求散地。右司諫蘇轍王覲歷數其姦。請授畀四裔以禦魍魎。中丞劉摯復列其五罪。于是貶光祿卿。分司南京。再貶建寧軍節度副使。建州安置。中書舍人蘇軾草其制曰。惠卿以斗筭之功。好兵喜殺。以聚斂爲仁義。以法律爲詩書。首建青苗。次行助役。均輸之政。事同商賈。手實之禍。下逮雞豚。苟可蠹國害民。率皆攘臂稱首。先帝求賢如不及。從善如轉圓。始以帝堯之仁。姑試伯鯨。終焉孔子之聖。不信宰子。猶寬兩觀之誅。薄示三危之竄。天下傳誦稱快焉。時惠卿章惇呂嘉問鄧綰李定。滿宗孟范子淵等皆已斥外。言者論之不已。范純仁言于太后曰。錄人之過。不宜太深。后然之。乃詔前朝希

合附會之人一無所問。言者勿復彈劾。惠卿黨稍安。或謂公著曰。今除惡不盡。將貽後患。公著曰。治道去太甚耳。文景之世。網漏吞舟。且人材實難。宜使自新。豈宜使自棄邪。

秋七月。罷權蜀茶。

初熙寧中。以蒲宗閔領權蜀茶。

事見前。

又以李稷爲都大

提舉。

稷與宗閔務浚利刻急。一年之間。通課利及舊界息七十六萬七千餘緡。

及稷死。以陸

師閔

其代之。

師閔權利尤刻。稅息倍于稷。

至是。劉摯。蘇轍論師閔

增場權茶。其害過于市易。乃貶師閔官。而罷成都茶場。

立十科舉士法。

司馬光奏。爲政得人則治。然人之才。或長于此而短于

彼雖臯陶稷契各守一官中人安可求備若指瑕掩善

則朝無可用之人苟隨器授任則世無可棄之士臣備

位宰相職當選官若專引知識則嫌于私若止循資序

未必皆才乞朝廷設十科舉士一曰行義純固可為師

表有官無官人皆可舉二曰節操方正可備獻納舉有官人三曰智勇

過人可備將帥舉文武有官人四曰公正聰明可備監司舉知州以

上資五曰經術精通可備講讀有官無官人皆可舉六曰學問該

博可備顧問同經術舉人七曰文章典麗可備著述同經術舉人

八曰善聽獄訟盡公得實舉有官人九曰善治財賦公私俱

便舉有官人十曰練習法令能斷請讞舉有官人凡此十科應侍

從以上每歲各舉三人中書置籍記之有事須材執政

按籍視其所舉科。隨事試之。有勞又著之籍。內外官闕。取嘗試有效者。隨科授職。所賜告命。仍具所舉官姓名。其人任官無狀。坐以繆舉之罪。詔從之。

夏主秉常卒。子乾順立。

時年三歲。

帝初卽位。秉常遣阿爾班。

舊作訛羅。今改。

求蘭州米脂等五

砦。未許。會秉常卒。遣使來告哀。詔自元豐四年用兵所得城砦。待歸我。永樂陷執民。當畫以給還。遂遣穆衍弔祭。尋遣使封乾順爲夏國主。

九月。尚書左僕射兼門下侍郎河內公司馬光卒。

諡文正。

時兩宮虛已以聽光爲政。光亦自見言行計從。欲以身徇社稷。謁觀庶務。不舍晝夜。賓客見其體羸。舉諸葛亮

食少事煩以爲戒。光曰：「死生命也，爲之益力。」病革，諄諄語如夢中。皆朝廷天下事也。及薨，太后哭之慟，與帝臨其喪，贈太師溫國公。京師之民罷市往弔，鬻衣以致奠。巷哭以過車。比喪還，如陝葬，送者如哭私親。四方皆畫像以祀，飲食必祝焉。光孝友忠信，恭儉正直，居處有法，言吾無過人者，但生平所爲未嘗有不可對人言者耳。誠心自然，天下敬信。陝洛間皆化其德，有不善曰：「君實得無知之乎？」光于物澹然無所好，于學無所不通。惟不喜釋老，曰：「其微言不能出吾書，其誕吾不信也。」及居政府，凡王安石、呂惠卿所建新法爲民害者，剗革畧盡。或謂光曰：「熙豐舊臣多儉巧小人，他日有以父子之義間上，則禍作矣。」光正色曰：「天若祐宋，必無此事。」遂改之不疑。
史臣曰：熙寧新法，病民者二十年。一旦光起而爲政，毅然以天下自任，開言路，進賢才。凡新法之害民者，次第取而更張之。海內之民歡忻鼓舞，甚于更生。君子稱其有旋乾轉坤之功，而光已老且病，不克終治，惜哉。

以蘇軾爲翰林學士。

軾自登州召還。十月之間。三遷清要。尋兼侍讀。每經筵進讀。未嘗不反覆開導。覲有所啓悟。嘗鎖宿禁中。召見便殿。太后問曰。卿前年爲何官。對曰。黃州團練副使。曰。今爲何官。對曰。待罪翰林學士。曰。何以遽至此。對曰。遭遇太皇太后。皇帝陛下。曰。非也。對曰。豈大臣論薦乎。曰。亦非也。軾驚曰。臣雖無狀。不敢自他途進。曰。此先帝意也。先帝每誦卿文章。必嘆曰。奇才奇才。但未及進用卿耳。軾不覺哭失聲。太后與帝亦泣。左右皆感涕。已而命坐賜茶。撤御前金蓮燭。送歸院。

軾在翰林。頗以言語文章。規切時政。衛尉丞畢仲游。憂其及禍。貽書戒之曰。君官非諫官。職非御史。而好非是人。危身觸諱。以遊其間。殆猶抱石而救溺也。軾

不能從。畢仲游
字公叔。士安曾孫。

張璪免。

諫官王覲。御史呂陶。上官均等。連疏言璪姦邪便佞。劉摯亦言。璪初奉安石。旋附惠卿。隨王珪。黨章惇。諂蔡確。數人之性不同。而能探情變節。左右順從。各得其歡心。今過惡既彰。不可不速去之。疏入。皆不報。至是。罷知鄭州。

冬十月。改封孔子後爲奉聖公。

鴻臚卿孔宗翰

字周翰。道輔子。

言。孔子後世襲公爵。本爲侍祠。

今乃兼領他官。不在故郡。于名爲不正。乞自今襲封之人。便終身在鄉里。詔改衍聖公爲奉聖公。不預他職。添

給田百頃。供祭祀外。許均贍族人。賜國子監書。立學官。以誨其子弟。

十一月。以呂大防爲中書侍郎。劉摯爲尚書右丞。

摯爲中丞數月。彈劾多所貶黜。百僚敬憚。時人以比呂誨。包拯嘗與同列奏事。論及人才。摯曰。人才難得。能否不一。性忠實而才識有餘。上也。才識不逮而忠實有餘。次也。有才而難保。可藉以集事。又其次也。懷邪觀望。隨時改變。此小人也。太后及帝曰。卿常能如此用人。則國家何憂。

丁卯二年春正月。禁科舉用王氏經義字說。

時科舉罷詞賦。專用王安石經義。且雜以釋氏之說。凡

士子自一語以上。非安石新義不得用。學者至不誦正經。唯竊安石之書以干進。精熟者輒上第。故科舉益弊。呂公著當國。始請禁主司不得以老莊書命題。舉子不得以申韓佛書爲學。經義參用古今諸儒說。毋得專取王氏。尋又禁毋得引用王氏字說。

夏四月。詔文彥博十日一議事都堂。

彥博累表乞致仕故也。

以處士陳師道

字履常。一字無已。彭城人。

爲徐州教授。

師道高介有節。安貧樂道。博學善文。家貧或經日不炊。晏如也。熙寧中。王氏經學盛行。師道心非其說。遂絕意進取。至是以蘇軾薦。授是職。

復制科。

李清臣免。

時釐正熙寧之政。清臣固爭以爲不可。遂罷知河陽府。
秋七月庚戌朔日食。

罷門下侍郎韓維。

維處東省踰年。有忌之者。密爲讒愬。詔分司南京。尚書
左丞王存抗聲簾前曰。韓維得罪。莫知其端。臣竊爲朝
廷惜之。乃還維資政殿大學士。知鄧州。

八月罷崇政殿說書程頤。

頤嘗言。天下重任。惟宰相經筵。天下治亂繫宰相。君德
成就資經筵。其在經筵。以禮法自持。每進講。色甚莊。繼

以諷諫。蘇軾謂其不近人情。深嫉之。每加玩侮。于是頤

門人右司諫賈易。

字明叔。無爲軍人。

左正言朱光庭等積不能

平。劾軾試館職策問謗訕。軾因乞補郡。殿中侍御史呂

陶言。臺諫當循至公。不可假借事權以報私隙。右司諫

王覲言。軾命辭失輕重。其事小。不足考。若悉考同異。深

究嫌疑。則兩岐遂分。使士大夫有朋黨之名。大患也。太

后然之。范純仁亦言。軾無罪。遂置不問。會帝患瘡疹。不

出。頤詣宰臣問知否。且曰。上不御殿。太后不當獨坐。人

主有疾。而大臣可不知乎。翼日。宰臣以頤言問疾。由是

大臣亦多不悅。御史中丞胡宗愈。右諫議大夫孔文仲

給事中顧臨。

字子敦。會稽人。

遂連章力詆頤。不宜在經筵。乃罷。

從來黨援門戶之習率由君子小人互相攻訐如薰猶冰炭氣味自爾差池未聞止人同處亦彼此分標樹幟者若洛蜀諸黨實可異焉其始不過小有爭執積不能平漸至岐異揆之聖人和同羣黨之說均未當也余嘗作宛轉曲論同室操戈之非有云顧厨清流禍自取程蘇何事相爾汝不能不為諸君子致詰耳

頤出管勾西京國子監時呂公著獨當國羣賢咸在朝不能不以類相從遂有洛黨蜀黨朔黨之語洛黨以頤為首而朱光庭賈易為輔蜀黨以蘇軾為首而呂陶等為輔朔黨以劉摯梁燾字况之鄆州須城人王巖叟劉安世字器之航子為首而輔之者尤眾是時熙豐用事之臣退休散地怨入骨髓陰伺間隙而諸賢不悟各為黨比以訾議惟呂大防秦人慙直無黨范祖禹師司馬光不立黨既而帝聞之以問胡宗愈宗愈對曰君子指小人為姦則小人指君子為黨陛下能擇中立之士而用之則黨禍熄矣因著君子無黨論以進

吐蕃額爾古誘果莊使據洮以叛岷州將种誼

字壽翁世衡子執

之檻送京師

董戢既死。養子額爾古嗣爲遼川首領。渴果莊使帥其衆據洮河。岷州行營將种誼等帥師執果莊。檻送京師。尋赦之。遣居秦州。聽招其子且木磋。舊作結哦。今改。及部屬以自贖。額爾古懼乃上表謝罪。

罷右司諫賈易。

時程頤蘇軾交惡。其黨互相攻訐。易因劾呂陶黨軾兄弟。語侵文彥博。范純仁。太后怒。欲峻責易。呂公著言。易言頗直。惟詆大臣太甚。不可處諫列耳。乃止。罷知懷州。公著退。語同列。諫官所言。未論得失。顧主上方富于春秋。異時有導諛惑上心者。正賴左右力諫。不可使人主輕厭言者。呂大防。劉摯。王存。私顧而嘆曰。呂公可謂仁者之勇。

戊辰三年春正月復置廣惠倉

夏四月以呂公著爲司空同平章軍國事

公著以老懇辭位乃拜司空同平章軍國事詔建第于

東府之南啓北扉以便執政會議凡三省樞密院之職

皆得總理間日一朝因至都堂其出不以時蓋異禮也

國初以來宰相以三公平章軍國事者四人而公著與

其父夷簡居其二世羨其榮時熙豐用事之臣雖去其黨猶分布中外鴻臚丞常

安民貽公著書曰善觀天下之勢猶良醫之視疾方安

寧無事之時諸人曰其後必將有大憂則衆必駭笑惟

識微見幾之上然後能逆知其漸故不憂于可憂而憂

之于無足憂者至憂也今日天下之勢可爲大憂雖登

進忠良而不能搜致海內之英才使皆萃于朝以勝小

人恐端人正士未得安枕而卧也故去小人不爲難而

勝小人爲難陳蕃竇武協心同力選用名賢天下想望

太平然卒死曹節之手遂成黨錮之禍張柬之五王中

興唐室。以爲慶流萬世。及武三思一得志。至于竄移淪沒。凡此者。皆前世已然之禍。今怨忿已積。一發其害必大。可不爲大憂乎。公著得書默然。常安民字希古。邛州人。

以呂大防范純仁。爲尚書左右僕射兼門下中書侍郎。孫固劉摯爲門下中書侍郎。王存胡宗愈爲尚書左右丞。趙瞻簽書樞密院事。

大防朴厚。愬直。純仁務以博大開上意。忠厚革士風。二人同心戮力。以相王室。太后復盡心委之。故元祐之治。比隆嘉祐。時黨論方起。純仁慮之。會右諫議大夫王覲以胡宗愈進。君子無黨論。惡之。因疏宗愈不可執政。太后大怒。純仁與文彥博。呂公著。辨于簾前。太后意未解。純仁曰。朝臣本無黨。但善惡邪正。各以類分。彥博公著

王覲前論蘇軾事謂不當使士大夫有朋黨之名。持論甚正。茲乃惡宗愈。作君子無黨論。而効之。是有

相矛盾矣。純仁既曰朝臣本無黨。又云善惡邪正各以類分。且錄歐陽修朋黨論以進。則又為積習所鋼。恬不為怪。正人且然。他尚可論乎。

皆累朝舊人。豈容雷同罔上。昔先臣與韓琦富弼同慶歷柄任。各舉所知。當時飛語指為朋黨。三人相繼補外。造謗者共相慶曰。一網打盡矣。此事未遠。願陛下戒之。因極言前事朋黨之禍。并錄歐陽修朋黨論上之。然竟出覲知潤州。而宗愈居位如故。

冬閏十二月。蜀公范鎮卒。

諡忠文。

初起鎮。擢舉中太乙宮。兼侍讀。且欲以為門下侍郎。鎮雅不欲起。從孫祖禹亦勸止之。遂固辭不拜。以銀青光祿大夫再致仕。卒。鎮清白坦夷。恭儉慎默。篤于行義。口不言人過。臨大節。決大議。色和而語莊。常欲繼之以死。雖在萬乘前。無所屈。其學本六經。口不道佛老。申韓之說。熙寧元豐之際。天下賢士大夫望以為相者。鎮與錢馬光二人至。稱之曰。景仁君實不敢有所輕。輕。

巳巳四年春二月。司空東平公呂公著卒。諡正獻。

公著薨。太皇太后見輔臣泣曰。邦國不幸。司馬相公既亡。呂司空復逝。帝亦悲感。即詣其家臨奠。贈太師。封申

國公。

公著自少講學。即以治心養性爲本。平居無疾言

然。其識慮深敏。量宏而學粹。每議政事。博採衆善。以爲善。至所當守。則毅然不可回奪。神宗嘗言其于人材不欺。如權衡之稱物。尤能避遠聲迹。不以知人自處。王安石博辨騁辭。人莫敢與抗。公著獨以精識約言服之。安石嘗曰。疵吝每不自勝。詣長者即廢。其服如此。

三月。胡宗愈免。

中丞孫覺。右正言劉安世等論之也。

夏四月。分經義詩賦爲兩科試士。罷明法科。

尚書省請復詩賦。與經義兼行。解經通用先儒傳注及

已說。又言舊明法最爲下科。今中者卽除司法。叙名反在及第進士上。非是。乃詔立經義詩賦兩科。罷試律義。凡詩賦進士習一經。試本經論孟義及詩賦論策。凡四場。經義進士習兩經。試本經論孟義及論策。亦四場。兩科通定高下。而取解額中分之各占其半。專經者以經義定取舍。兼詩賦者以詩賦爲去留。其名次高下。則于策論參之。初司馬光言取士之道。當先德行。後文學。就文學言之。經術又當先于詞章。神宗專用經義論策取士。此乃復先王令典。百王不易之法。但王安石不當以一家私學。欲蓋先儒。令天下師生講解。至于律令皆當官所須。使爲士者果能知道義。自與法律冥合。何必置明法一科。習爲刻薄。非所以長育人材。敦厚風俗也。至是遂罷之。未幾詔御試舉人。仍試詩賦論三題。

五月以范祖禹爲右諫議大夫兼侍講。

祖禹初從司馬光修資治通鑑在洛十五年。不事進取。

王安石尤愛重之。祖禹終不往謁。帝卽位擢右正言以

婦翁呂公著當國引嫌辭職再改著作郎兼侍講。會夏暑權

罷經筵。祖禹上言。陛下今日之學與不學。係他日治亂。

如好學則天下君子欣慕。願立于朝。以直道事陛下。輔

佐德業而致太平。不學則小人皆動其心。務爲邪詔以

竊富貴。且凡人之進學。莫不于少時。今聖質日長。數年

之後。恐不得如今日。公著薨始除右諫議大夫。尋加禮

部侍郎。聞禁中覓乳媪以帝年十四。非近女色之時。與

左諫議大夫劉安世上疏。勸進德愛身。又乞太皇太后

保護聖躬。言甚切至。太后謂曰。乳媪之說。外間虛傳也。

則誠爲過。及其已然。則又無所及。言之何益。陛下寧受未然之言。勿使臣等有無及之悔。太后深嘉之。

安置蔡確于新州。

唐置。今肇慶府新興縣是。

確失勢日久。遂懷怨望。在安州。嘗遊車蓋亭。

在今德安府安陸縣。

治西北。

賦詩十章。知漢陽軍。

今湖北漢陽府。宋時爲軍。

吳處厚。

邵武人。與

確有隙。因解釋其語。

用郝處俊上元間諫高宗欲傳位武后事。指斥東朝。

上之以

爲譏訕。于是臺諫言確怨謗。乞正其罪。詔確具析。確自

辨甚悉。右正言劉安世等。又言確罪狀著明。何待具析。

此乃大臣委曲爲之地耳。乃貶確光祿卿。分司南京。臺

諫論之不置。而諫議大夫范祖禹亦言確之罪惡。天下

不容。尚以列卿分務留都。未厭衆論。執政議寘確于法。

大臣謀國不當自爲身計如蔡確之發惡即質之法亦不爲枉純仁顧力爲營救僅議投荒猶以荆棘久滋慮或自開先路何見之淺也

范純仁王存獨以爲不可力爭之文彥博欲貶確嶺嶠純仁聞之謂呂大防曰此路自乾興以來荆棘近七十年吾輩開之恐自不免大防遂不敢言越六日再貶確英州別駕新州安置純仁又言于太后曰聖朝宜務寬厚不可以語言文字之間曖昧不明之過竄誅大臣今舉動宜爲將來法此事甚不可開端也且以重刑除惡如以猛藥治病其過也不能無損焉不聽確至新州未幾死初確之具析未上也梁燾自潞州召爲諫議大夫過河陽邢恕極論確有策立勲燾至奏之太后諭三省曰帝是先帝長子子繼父業其分當然確有何策立勲邪若使確他日復來欺罔上下豈不爲朝廷害恐帝年少制御不得故今因其自敗如此行遣益爲社稷也

六月范純仁王存罷

呂大防言。蔡確黨盛。不可不治。純仁面諫。朋黨難辨。恐誤及善人。司諫吳安詩正言。劉安世因論純仁黨確。純仁亦力求罷政。乃出知潁州府。存確所舉也。故亦出知蔡州。

庚午五年春二月。夏人來歸永樂之俘。詔以米脂等四砦畀之。

夏人來歸永樂所獲吏士百四十九人。遂詔以米脂葭蘆浮圖安疆四砦還之。夏得地益驕。

文彥博致仕。

米脂等砦雖背爲西夏所據。其初本中國地也。旣已恢復疆土。豈宜輕與割還。得地而夏益驕。宋人實爲失算。蓋自阿爾班來請地時。許以永樂陷民相易。至此遂難食言。則又始計之未愼耳。

彥博復居政府。無歲不求去。會殿中侍御史賈易言。彥博至和建儲之議不可信。太后命付史館。彥博益求罷。

乃以太師充護國軍山南西道節度等使致仕令有司
備禮册命宴餞于玉津園

先是遣使耶律永昌來聘蘇軾之與永昌人親見多傳

于殿門外却立改容曰此路公也耶問其年曰何謂也軾曰使者見其容未聞其語其綜理庶務雖精練少年有不逮永昌拱手曰天下異人也

三月趙瞻卒以韓忠彥

字師樸琦之子

同知樞密院事蘇頌為尙

書左丞

彥博嘗與傅堯俞許將論事不合俱求罷政殿中侍御史上官均言大臣之任同國休戚廟堂之上當務協諧使中外之人泯然不知有同異之迹若悻悻然辯論不顧事體何以觀視百僚堯俞等雖有辯論之失然事皆緣公無顯惡大過望令就職太后從之

夏四月。知樞密院事孫固卒。

先是。知樞密院事安燾。以父喪去職。固代知院事。至是。

卒。

固宅心誠粹。不喜矯亢。與人居久而益信。故更歷夷險。而不爲人所疾。害傳堯俞言。司馬公之清節。孫公

之淳德。蓋所謂不言而信者也。世以爲確論。

秋八月。召鄧潤甫爲翰林學士承旨。罷御史中丞梁燾。諫議大夫劉安世。朱光庭。

初。潤甫以母喪終制。除吏部尙書。梁燾權給事中。駁之。改知亳州。至是。復以承旨召。燾爲中丞。與左諫議大夫劉安世右諫議大夫朱光庭交章論潤甫出入王呂黨中。始終反覆。今之進用。實繫君子小人消長之機。又言潤甫嘗爲蔡確制。稱確有定策之功。以欺惑天下。乞行

罷黜累疏不報。盡等因力請外。乃出。素知鄭州。光庭知
安州。安世提舉崇福宮。時劉摯上疏請暫出潤甫。留素
等。蘇轍亦三疏論之。皆不報。

以蘇轍為御史中丞。

考宋史蘇轍傳元祐五年遷御史中丞。上疏極論調停之說。蓋梁素既罷。

轍代為中丞。因上此疏。續綱目附載其疏于召用鄧潤甫條目。而不更書轍為中丞。宋元通鑑又載其疏于召用鄧潤甫之前。皆非是。今據轍傳增輯。

自司馬光卒後。熙豐舊黨爭起邪說。以搖撼在位。呂大

防。劉摯患之。欲稍引用以平風怨。謂之調停。太后疑不

決。轍面論其非。又以說有未盡。復上疏言之。

畧曰。親君子遠小人。

則主尊國安。疎君子任小人。則主憂國殆。此理之必然。未聞以小人在外。憂其不悅。而引之于內。以自貽患也。朱帝聰明聖智。疾頹靡之俗。將以綱紀四方。比隆三代。而臣下不能將順。造作諸法。上逆天意。下失民心。二聖

用人為政治大綱。豈止稍參私意。朝臣黨援之習。在上者方當力為整飭。以挽頹風。若欲平臣下風怨。

事調停尙復成何政體大
防所見迂謬不若轍之持
論正當也

因民所願。取而更之。上下忻慰。前者用事之臣。不加斥
逐。宥之于外。蓋已厚矣。而議者惑于衆說。乃欲招而納
之。與之共事。謂之調停。此輩若返。豈肯但已哉。必將戕
害正人。漸復舊事。以快私忿。人臣被禍。蓋不足言。臣所
惜者。祖宗朝廷也。惟陛下斷自聖心。勿使小人一進。後有噬臍之悔。疏入。太后命宰執讀
于簾前。曰。轍疑吾君臣兼用邪正。其言極中理。諸臣從
而和之。調停之說遂已。

辛未六年春。二月。以劉摯爲尙書右僕射。兼中書侍郎。蘇轍
爲尙書右丞。王巖叟簽書樞密院事。

轍除命旣下。右司諫楊康國奏曰。轍之兄弟。謂其無文
學。則非也。蹈道則未也。其學乃學爲儀秦者也。其文率
務馳騁。好作爲縱橫捭闔。無安靜理。陛下若悅蘇轍文
學而用之。不疑。是又用一安石也。轍以文學自負。而剛

狠好勝則與安石無異。不報嚴叟言職五年。正諫無
隱。及拜簽樞密謝。因進曰。太后聽政以來。納諫從善。務
合人心。所以朝廷清明。天下安靜。願信之勿疑。守之勿
失。復進言于帝曰。陛下今日聖學。當深辨邪正。正人在
朝。則朝廷安。邪人一進。便有不安之象。非謂一夫能然。
蓋其類應之者衆。上下蔽蒙。不覺養成禍胎爾。又曰。或
聞有以君子小人參用之說告陛下者。不知果有之否。
此乃深誤陛下也。自古君子小人無參用之理。聖人但
云君子在內。小人在外則泰。君子在外。小人在內則否。
小人既進。君子必引類而去。若君子與小人競進。則危
亡之基也。兩宮深然之。

夏五月己未朔日食。

六月浙西水。

杭州死者五十萬。蘇州死者三十萬。詔賜米百萬石。錢二十萬緡賑之。

翰林學士承旨蘇軾罷。

初軾以論事為眾所忌。趙挺之。

字正夫。密州諸城人。

王觀政之。遂

出知杭州。未幾召還。侍御史賈易復劾軾。元豐末在揚

州。聞先帝厭代作詩。及草呂惠卿制。皆誹怨先帝。無人

臣禮。御史中丞趙君錫。

字無愧。安仁孫。

亦繼言之。太后怒。罷易

知宣州。君錫知鄭州。呂大防請併軾兩罷。乃出軾知穎

州。尋改知揚州。

秋七月復制置解鹽使

詔解鹽復許通商

冬十一月罷劉摯知鄆州

摯性峭直有氣節。不爲利誘威怵。與呂大防同位。國家大事多決于大防。惟進退士大夫實執其柄。然持心少恕。勇于去惡。竟爲朋讒奇中。遂與大防有隙。先是蔡確之貶。邢恕亦謫監永州酒稅。以書抵摯。摯故與恕善。答其書有永州佳處。第往以俟休復之語。排岸官茹東濟得其書。陰錄以示中丞鄭雍。字公肅。襄邑人。殿中侍御史楊畏
字子安。遂寧人。徙洛陽。二人方附呂大防。因箋釋其語。謂休復者。語出周易。以俟休復者。俟他日太上之。又章惇諸子故與摯子游。皇太后復于明辟也。

摯亦間與之接。雍畏謂延見接納爲牢籠之計。以覬後福。且論王巖叟。梁燾。劉安世。朱光庭等三十人皆其死友。太后于是面諭摯曰。言者謂卿交通匪人。爲異日地。卿當一心王室。若章惇者。雖以宰相處之。未必樂也。摯惶恐退。上章自辨。而梁燾。王巖叟果上疏論救之。太后曰。垂簾之初。摯斥排姦邪。實爲忠直。但此三事非所當爲也。遂罷知鄆州。給事中朱光庭駁之曰。摯忠義自奮。朝廷擢之大位。一旦以疑而罷。天下不見其過。言者以光庭爲黨。亦罷知亳州。

中書侍郎傅堯俞卒。

諡獻肅。

堯俞卒。太后謂輔臣曰。傅侍郎清直一節。始終不變。金

王君子也。方倚以爲相。遽至是乎。

堯俞素與王安石善。熙寧初。自知廬州入

京。時方行新法。安石謂之曰。舉朝紛紛。俟君來久矣。將以待制諫院處君。堯俞曰。新法世以爲不便。誠如是。當極論之。安石怒。遂不用。司馬光嘗謂邵雍曰。清直勇三德。人所難兼。吾于欽之畏焉。雍曰。欽之清而不耀。直而不激。勇而能溫。是爲難耳。

